


MEPUZHONG NE MIKUMBU

BAHEBELU KIBESE II

 Nasaka kwimusachila anweba bonse bajinga na mbila ya “lombelelai bakazhi.” Wajinga bingi, wakolwa bingi. Atweba kechi twayuka ne kana kyajinga kika, kabiji kechi Twayuka kyamwekele ne, kwajinga kulasa kwabaya bingi kabiji wajingat uwasesuka, kabiji kupimwa kwa mashika kwajinga pa aduleendi na faivi, bamupombele mu myemba ya mabebe a mashika. Nanchi...bino papo ujitu bulongo. Mashika onse apwa, kabiji ujitu bulongo. Nanchi ukijitu wakookelela, kabiji wanyana mapaundi teni, byo Naketekela. Aye ukyangye...Bufuku buno wajikumina muchi mutanshi wakunyeuna kufuma pa juba ja Pamulungu. Kabiji wajinga wakolwa bingi, kabiji twaketekejiletu Nkambo na mambo a aye, kabiji Aye wamufumyamo. Bino twasaka kwimubuula anweba mutwajijile na kulomba pakuuba mba abwezhe ngovu yanji.

³⁰⁴ Kabiji pano, uno ubena kwiya mpelo ya uno mulungu, inge Nkambo waswa, Nafwainwa kuya ku Miami. Mulunda nami mukote, Mulongo Bosworth, ubena kuya ku Nzubo, kabiji uji pepi nobe myaka aduleendi. Kabiji aye wanginchile, waambile mba, “Mulongo Branham, iya umoone pa kino kimye kyonka, Mbeni kukeba kukubulapo kintu kimo Amiwa kasa kyangye kuya.” Kabiji aye...Kyawama, Nalanguluka mba aye ubena kukeba kundombelela, kabiji ne kubika maboko anji pe amiwa kasa akyangye kuya, mwayukatu.

³⁰⁵ Kabiji Na—Naketekela mba Nakonsha kupelako moba ami na byubilo byawama nobe F.F. Bosworth. Pa bantu bonse bo Nayuka mu ntanda, muntu yense ye Nakumanyapo pantanda, Amiwa kechi nakumanyapo muntu ye Nakebeshe kwikala nobe, pamo nobe F.F. Bosworth ne; nobe—nobe wa mwingilo, mo Nekitazha. Amiwa kechi nakyumvwapo muntu umo, ntanda yonse, kuji konse ne, waambilepo ng’ambilo imo pe F.F. Bosworth kanatu byonse byajinga mba “Mwinakilishitu,” kabiji bintu byonse mba “mulongo wakine.”

³⁰⁶ “Kufumapo kusha ngayo kunyuma pa busenga bwa kimye.” Aye ke mulongo wawama bingi, kabiji pano ke mukote, peepi nobe aduleendi. Nanchi aye—aye ubena kuyatu Kumuzhi, byo byonka, kabiji wambujile. Aye wayukile mba ubena kuya, kabiji wapembejilengatu. Aye waambile mba kimye kyawama kya bumi bwanji ke ponka pano kimye kyo abena kupembelela, bino waambile mba wafwainwa kuyuka mba ubena kuya.

³⁰⁷ Naambile mba, “Amiwa nafwainwa kuya ku Michigan uno

mulungu, Mulongo Bosworth.”

³⁰⁸ Kabiji aye waambile mba, “Kyawama, kechi kyakonsha kwikala kimye kyabaya ne, Mulongo Branham, Amiwa kechi nakonsha kutwajijila kimye kyabaya ne. Amiwa mbena kuya na kukokelakotu kimye kyonse.”

³⁰⁹ Nanchi waikala ke mulunda wabaya bingi kwi amiwa, kechi kubwela panyuma ne. Pano, inge Nakonsha kutumbuka ne kuya, Amiwa—Amiwa katumbuka ne kubwela jibiji kape pa Mulungu bufuku; inge ne, kyawama, nishi Amiwa nkendeshatu, kabiji kyakonsha kusendelako kimye kyabaya.

³¹⁰ Kabiji lombelalaiko Mulongo Bosworth. Lombelaitu amba Lesa...kabiji umvwe Wamusenda awa mushakulu mukote, amba Aye akamutuminetu kalaki wa mujilo ne kumusenda, mwamona. Namutemwa aye, aye waikala nobe taata kwi amiwa.

³¹¹ Muntu mukwabo mukote...aye ne Mulongo Seward. Na—Natemwa bantu bakote, Ne—Ne batemwa. Kabiji mukote Mulongo Seward, wayile na kulala byonkabaya, ne aye. Mambo, Mulongo Seward kechi wajinga wakoteshatu ne, Amiwa kechi nalanguluka byobyo ne, nobe Mulongo Bosworth.

³¹² Kabiji lombelalaiko Mulongo Bosworth. Byonse kechi maluba azhokoloka kuyoya mpuzha ne, bino ke—kiji...Aye ukeba milombelo yenu, bino kechi pajipo kintu nangwa kimo kyabaya ne kanatu yeka...amba Lesa akamuleke kuya mu mutende.

³¹³ Pano...Kabiji nanchi twakeba kuvuluka, ne akyo, amba keesha, inge Nkambo waswa, tukazhika umo wabalunda netu wa ku kino kipwilo, Mulongo Sol Coates. Aye waikala bimye byavula kuno, waingijilenga mu positi ofweshi pa myaka yavula. Kabiji aye wafwijile mu Kipatela kya Bakala bufuku bukwabo. Mulongo Cox ne Amiwa twayile na kumumona, kabiji wajinga...wajinga bingi panshi. Kabiji pano waya, Mwinakilishitu. Kabiji tukamuzhika kufuma ku Nzubo Yamajila ya Coots keesha mute na kimye kya wanu koloko, Mulongo Naville ne Amiwa. Ne jibumba jaba Neville basatu bakembanga; kabiji tukabanyanga mpwijilo, Mulongo Neville ne Amiwa. Kokuba mba, Amiwa kechi nayuka ne byo twalengelenga lunengezho ne, kabiji ne namambo akwa Meda. Kabiji nanchi, pano, kijilo kyanji kikekalako keesha mabaanga pa wanu koloko, pa Nzubo ya Majila ya Coots.

³¹⁴ Kabiji pano, pa tuu koloko, Pakitanu, ba Mr. Wheeler. Twibetanga mba Pod Wheeler; aye ke, Nalubamo janji jiine jalumbuluka...Kabiji, mwayukatu, Amiwa—Amiwa ne kimwenetu mupepala wa byambo kabiji kechi nayukile kana wajinga ng’anyi ne, poso byo Naishile kuyuka. Aye wajinga mwina kikalakulo pa myaka yavula, kabiji—kabiji popo afwiletu. Aye wajingatatu konka kuno palutwe ya kipwilo, bufuku bukwabo, kabiji Naesekelenga kumumona amba eye

ku kipwilo. Bufuku bukwabo, pepi nobe milungu isatu yapita, naimene ponkapa, kabiji Naesekelenga ku musashijila mba eye ku kipwilo. Mambo, Amiwa kechi nalanguluka mba aye wayanga ku kipwilo nangwa wajinga na busendwe buji bonse ne, nangwa byonkabyo aye uji na nsongwalume ao musapwishi waku Baptist. Bino aye kechi wajinga na busendwe buji bonse nobe mo Nayukila ne, kabiji waya na kukumanya Lesa. Nanchi akye kikekalako Pakitanu mabaanga pa tuu koloko pa Nzubo ya Majila ya Coots. Kabiji ne aye, Mulongo Neville ne abo bakembanga, ponka pa kyokya kijilo.

³¹⁵ Kabiji nanchi, anweba bonse basaka kutanwa ku iye mpwijilo, ke keesha pa tuu koloko, nangwa, keesha pa wanu. Naketekela mba abyo ibyo. Bushe kechi ibyo nenyi, mulongo? Kabiji bibiji, ne kikwabo. Abyo ibyo nyi? Bibiji, pa Nzubo ya Majila ya Coots.

³¹⁶ Kabiji pano, Pamulungu lukeelo. . . Pakibelushi kukekala byambo pa waileshi. Kabiji Mulongo Neville kape ukemuyukisha, pa kyokya kimye, kijitu. . . inge twakonsha kwikala na mpwijilo ya lubuko pa Mulungu bufuku, nangwa kimye kyo Nkabwela inge Nakonsha kutumbuka kuya ku—ku Florida na kumona Mulongo Bosworth. Amiwa kechi nayuka ne byo Nakonsha kufumako kwi aye, aye ke mulunda mutemwe mukote wawama bingi. Kabiji kapepo bimye byetu byapelako bya kukumana, inge, Nkambo wikiswisha, panopantanda. Kabiji aye. . . Amiwa kechi nayuka ne kana Nakonsha kufumako kwi aye nangwa ine; kabiji Amiwa kechi keba kufumako kwi aye ne, bino, mwayuka byo kiji, muji na bintu bikwabo byo mwafwainwa kuuba.

³¹⁷ Pano kuji ng'ambilo imo yo Nakeba kwamba kuno kasa bakyangye kuvula ne, kabiji bantu balunda nami.

³¹⁸ Amiwa njina lusekelo pa kumona Nyenga Smith kokwa. Kimye kitanshi kyo Namumonapo pa kimye kyabaya. Uji byepi Nyenga Smith? Mwaka umo, ami, Naketekela mba kimye kyapeleleko kyo Nakumwenepo. . . [Nyenga Smith waamba—Waku.] Pa Benton Harbor, Naketekela kuyako kimye kimo. Akyo kyawama. Naketekela mba kimye kyapeleleko kyo Nakumwenepo, wajinga mu mpwijilo ya kijilo mu Louisville. Kabiji Namuvuluka bingi bulongo Nyenga Smith. Byo twajinga. . . Namusendanga mu kimbayambaya byo twayanga ku kipwilo. Manenekela akala ankobama kunyuma yakyo ne machika kasa abena kupepela peulu ne panshi, kabiji kasa kwatalala; kabiji amiwa, kulu kumo kasa kuji pangye kwapela. Oo, ami! Meema avula apita mu mukola kufuma pa kyokya kimye, Nyenga Smith. Ee, mwane. Kyawama, twamusachila Nkambo pa kuvuluka byakala byawama, kabiji kasa twakimutemwa Aye.

³¹⁹ Kintu kimo, muntu umo wakonsha kukumya, bufuku

bukwabo . . . Naambilenga ku Mulongo Fleeman pa mukwakwa. Kabiji kimye kimo muntu umo waambile mba, “Bukiji bukijitu inge mpwijilo yapwa, kika kilengela Mulongo Branham ponkapotu wafumapo waya?”

³²⁰ Abino byobyo kiji, mukazhi wami ujitu bunke. Mwamona? Kabiji inge Natatula kwamba, Amiwa nakonsha kwamba kichika kya bufuku, kabiji aye uji byobya, waikala popa bunke bwanji pa kimye kyabaya bingi. Kabiji ao oene mambo o Mpelawizha, pakuuba mba mbwele kwi aye, mwamona, pa kimye kya bufuku; mambo Amiwa umvwe natatula kwamba, Amiwa ng’amba kimye kyabaya. Amiwa nsakwamba kwi yuwe pa kimye kya afu awala umo. Amiwa kechi nakonsha kuyatu naamba mba, “Muji *byepi* bufuku buno? Muji *byepi*? Muji *byepi*?” Amiwa kechi nguba byobyo ne. Amiwa ngimanatu natatula kwamba; kabiji muntu umo watatula kwamba pa kintu kimo, kabiji pano Amiwa naikala popa afu awala umo. Mwamona? Kabiji ao oene mambo, kyo ekela ne kupembelela ne bikwabotu. Kabiji abyo byo kikela byobya. Amiwa kechi najikukebanga mba mulanguluke mba kechi Nakeba kukumanya balunda bami ne kwiimuna nabo maboko ne, kabiji ne kumwesa lumvwang’ano lwetu lwa bupopweshi ne bintutu bikwabo, pakuuba kyajingatu kya yewa musango.

³²¹ Nanchi, pano, muntu yense ekale mu milombelo ya bakolwa ne bamanyikwa.

³²² Kabiji ba Mrs. Harvey kana mukiji na lolwa lukatazho lonse, babena kukosatu bulongo. Ee, mwane. Kabiji Amiwa kechi mona . . . Ami . . . Pano kyafwainwa kwikala, nobe byonka byo Nayuka, muntu umo, dokotala kuno. Kabiji inge Amiwa naya mungi payuwe pulatifomu, Lesa ndekelaiko mambo. Bino Naketekela mba Lesa ukebazhachisha ba madokotala pa kintu kyobauba ku mwanamukazhi. Na—Naketekela mu kutumbula bantu, Naketekela mu michi. Kyakine, Amiwa ne kiketekela. Nalanguluka mba Lesa wibatumine kuno amba bekal bakwitukwasha, kijitu pamo nobe byo Atumine ba makanika ba myotoka ne bintu bikwabo. Pakuuba awa mwanamukazhi mucheche, dokotala wa mulajikile kapaba, ne kwamba mba, “Aye wajinga na kaasa wakumbanaponse, kafwako nangwa kimo kyakonsheka kubiwa ne.” Maama wa mucheche uji na jibumba ja baana babacheche.

³²³ Naile kwi aye, ne kweseka ku mulondolwela byo kyafwainwa kwikala kupichila mu milombelo . . . Kabiji—kabiji aye ke mwanamukazhi mwanyike, pepi nobe tweti-faivi. Kabiji ne Lesa byo abukile mwananji wa mucheche, watelwa mba “mwaana wakukumya” mu kipatela kya baana pa kino kimye, na menejaitisi. Kabiji mu yewa musango watama bingi ao—ao mulunda mucheche ye ajingamo, kabiji ne Nkambo wa mubukile ponkapotu. Abo, badokotala, kechi bekikwatakenye ne. Amiwa

naile ku ba Mrs. Harvey, kabiji Naambile mba, “Bino, Mrs. Harvey, ba madokotala bamukakelwe?”

324 “Ee, mwane. Ke . . .”

325 Kabiji mulume wanji waambile mba, “Ee, kafwako nangwa kimo kyakonsha kubiwa ne, aye wayulwatu na kaasa.”

326 Naambile mba, “Kyawama, pano kyo tubena kukeba kuuba, ke kuketekela Lesa, amba Lesa usa—usa kubuka . . . ku nkubuka.” Kabiji Naambile mba, “Byo kyubiwa, kaasa kape kechi wakonsha kufumapo bukiji bukiji ne; pakuuba inge twalomba, nanchi bumi bwa kaasa bufumepo. Obewa wakonsha kwikala wakolwa pa ka kimyeko, kabiji—kabiji” Naambile mba “wafwainwa kutambula kukasuluka ponkapotu.” Kabiji Naambile mba, “Kabiji pakupitapo moba acheche ukekala wakoreshwa kukila byo wajinga.” Bino Naambile mba, “Wafwainwa kubika lwitabilo lobe kwimena kaasa.” Naambile mba, “Inge kaasa wafumapo, obewa ufwa. Inge kaasa wafwa, uji na bumi.” Kabiji Naambile mba, “Pano tusakulomba.”

327 Kabiji twalombele, ne na bukamonyi bonse bo Namwene, Lesa wawkachile mubiji wa mwanamukazhi. Kabiji ponkapotu waikela bulongo, waile na kumona bamaama, wayile na kuzhokoloka ku bonse bena kikalankulo, (kimye kyo akijingatu mulukatazho) kechi waumvwinenga kukola ne. Kabiji pakupitapo moba asatu watatwile kukolwa jibiji.

328 Kabiji waishile kutana kuuba mba awa muzhi baambile mba abo “bakalipila badokotala mali, inge badokotala bakonsha kwikitumbula.”

329 Kabiji pano inge Amiwa naya mungi, Lesa ndekelaiko mambo. Bino batolele awa maama mwanyike, balengamo “kapanya” mwi aye. Abo bamatwajile kokwa, kabiji bafumishemo mila kufuma munda mwanji, kabiji ne bintu byonse. Bafumishe byonse bibiji kisukwilo ne bya munda, ne kwibilupwila pangye. Kabiji wajinga pa tebulu wa kutumbwilapo ma awala nani ne banapo. Awa manase waambile mba, “Kyamwekeletu nobe mu mbucha, amo mobatailenga bya mukachi kuku ne kuku, kabiji babikilemo mila ya make ya pulasitiki ne mipaipi ya pulasitiki.” Akyo kiji patoka, bino kya kine. Kabiji byamunda bya pulasitiki ne bintu bikwabo byobya, kabiji bamunshiile mwanamukazhi walala mu yewa musango, maama wamuचेche. Naamba, mwaila milanguluko yami pa kikyе, aba madokotala bazhatwa a kwipayang’ana.

330 Aye wibabujile, waambile mba, “Mulongo Branham wandombejile.” Kabiji waambile mba, “Atweba tusa kuketekela mba kaasa wetu . . . awa kaasa wafwa.”

331 Waambile mba, “Njina na ma sawakya obe, ‘Kaasa obe muumi.’”

³³² Wakonsha kubuulang'ana byepi? Kyajinga mukachi, kafwako x-ray wakonsha kwikibuulang'ana ne. Kaasa ke... Obewa kechi wakonsha kubuulang'ana kaasa na x-ray ne, ke mubiji ayemwine, kechi wakonsha kwikimona ne. Kwajingatu kintu kimo kya kuuba, kuchiba mwanamukazhi ne ku musataula bipivwa. Byo byonka. Pano inge wajinga maama wa mucheche, Nakonsha kumulekatu waeseka lwitabilo lwanji mwi Lesa mukifulo kya kumwalula ke "kapanya" mu yewa musango. Pano inge Ami—inge Amiwa naya mungi, inge Ami—inge Ami njina nkebelo yatama, Nakeba Lesa nkundekelako mambo, mwamona. Mambo Amiwa kechi nakeba kuuba mba anweba mulanguluke amba Amiwa kechi naketekela mu kutumbula bantu ne nangwa kubula kuketekela mu madokotala ne bikwabotu ne. Akyo kijitu bulongo. Bino Nalanguluka mba mwafwainwa kuyuka kyomubena kuuba kasa mukyangye kusaba muntu, kechi kwibegijishatu mu bya kupesapesa ne. Abyo ibyo. Kabiji pano, mambo, kechi wakonsha kwikala na bumi ne. Abyo ibyo. Inge waikala na bumi, kyakonsha kwikala kimo kyakukumya kikatampe akyo kyakimwekapo kala. Kimye mwanamukazhi kyo antajile panshi ne kumona mb bya munda byanji biji kulubaji lumo, ne mafyo aji kulubaji lukwabo, aye wafwiletu nobe byonka *bye*, wafwa... Kika, kechi kyajinga kintu... awa kamulanda mucheche byo afwile. Kabiji pepi nobe tweti-tuu nangwa maama wa myaka tweti-faivi uji na basatu nangwa bana banyike babacheche bakukomesha. Ke kintu kyalusa bingi kyo Naumvwapo kala mu bumi bwami. Naambile mba, "Mwaila milanguluko yami, badokotala bazhatwa pa..." Inge basendele yewa mwanamukazhi namambotu akwesekelamo mambo akuuba mba muzhi ukalipila, nanchi akyo kyatama, kechi bafwajilwe kuswisha ne.

³³³ [Mulongo umo waipuzha kana Lesa wakonsha kubwezha mwanamukazhi—Waku.] Kyawama, Amiwa ne mubuula, mulongo, kechi kyakonsheka kubula kubiwa ne. Kabiji kiji—kechi kiji... Kiji—kiji kyakonsheka, kabiji kyakonsheka kubiwa. Mambo Nayuka muntu wajinga na kuboko kwachibika, mu California (anweba bonse mwalama kikye mupepala), walombelejilwe, kabiji *awe* mukoko wachibikile *papo*, mukoko wamenene poso minwe yatapa kulupuka; kokola yamena, nkuku yamena, kuboko kwamena, kabiji ne minwe yabwela ku bibese bya kikasa, mwamona. Kiji mu, Naketekela, *Kusekelela kwa Lwitabilo* kila ng'ondo. Kabiji maboko anji byo alupukile *bibye*, bamwesheshe pa chibikijile kuboko, po kwa lupukijile. Kila ng'ondo jashi jatainwenga monka, pepi nobe mwaka umo.

³³⁴ [Aye mulongo waamba ne jikwabo—Waku.] Kine, abyo ibyo. Naketekela... Ke—ke—ke kintu kibula kumwekamweka, monai, ke kintu kibula kubiwa ubiwa. Mu kimye kimo Nekyumvwa. Bino, na Mulongo Bosworth, walombejile mwanamukazhi bufuku bumo. Kabiji Najinga na umo mu mpwijilo yami.

Pakuuba Mulongo Bosworth kyajingatu ponkapo; kyami kyasendeleko kimye kyabayako pa kuuba mba kyubiwe.

³³⁵ Aye walombelejile mwanamukazhi. . . Pano, Natangile lushimuno lwa mwanamukazhi. Wajinga na kaasa, kwakubula moona; wamujile moona wanji. Kabiji lukeelo lwalondejilepo mwanamukazhi wajinga na moona. Pano, Nayuka kikyee. . . Pano, awa ke Mulongo Bosworth, mu buuku wanji watelwa mba *Kilishitu Ye Lubuko*, Naketekela, nangwa, *Aye Uleta Lusekelo*, umo. Bino, kiji mulushimuno lwa mwanamukazhi, na jizhina jaji ne keyala. Kabiji uji na bena kikalankulo ne madokotala ne byonse po biji byakupana kishinikisho, amba kyaubiwe.

³³⁶ Pano, ku Jibwe Jicheche, Arkansas, bufuku bumo mu kibamba, Nalombele kokwa. . . kechi ku Jibwe Jicheche ne, pakuuba ku Jonesboro. Amba Nakonsha kulomba. . . Naambile mba, “Amiwa nsakwikala poso Nalombelela muntu wapelako.” Najinga moba eiti ne mafuku mu pulatifomu, mwamona. Kabiji pano. . . kabiji mu kibamba kwajinga mwanamukazhi waishile, wajinga na katambala kanji *bibye*, kabiji Nalangulukile mba ubena kujila. Kabiji Naambile mba. . . Oo, Naketekela kyajinga tuu nangwa fiili koloko mu lukeelo, Naambile mba, “Kechi ujile ne, nyenga, Lesa ye Ubuka.”

³³⁷ Aye waambile mba, “Amiwa kechi mbena kujila ne, Mulongo Branham.” Wikyendeshe; kechi wajinga na moona ne, mwamona. Badokotala baambile mba. . . Kaasa wajile kufika panshi ku kikupa kitoka mu. . . abo bamwesheshenga. Kabiji Namulombelejile, kabiji naipwizhe Nkambo amba amubuke.

³³⁸ Kabiji pepi foolo nangwa milungu faivi kufuma popa, Najinga ku Texarkana. Kabiji kwajinga shetu umo wamvwala bulongo waikele byobya, aye waambile mba, “Bushe Nakonsha kwambapo kyambo, Mulongo Branham?”

³³⁹ Ponkapo byo aimene ku pulatifomu, umo wa maasha wa esekele kumuzhindamika. Naambile mba, “Kyawama, twayai tumone.”

³⁴⁰ Aye waambile mba, “Obewa wamuyuka yuwe inetu mwanyike?”

³⁴¹ Naambile mba, “Ine, kechi Nayuka ne.”

³⁴² Wamukazhi waambile mba, “Inge watala pa kikyee kipikichala wafwainwa kwikiyuka.” Kabiji yewajinga namwingilo wakupwisha bumi pa—pa Texarkanaa, kabiji aba bo bajinga bainanji na moona-wakatataka wamenapo, wajingatu byonka byajinga mukwabo.

³⁴³ Pano akyo kimwesa mba Lesa. . . Amiwa ne kimona kyaubiwa. Bino, Lesa wakonsha kuuba kyokyo kwi ba Mrs. Harvey. Kabiji Nalomba mba Aye ekyube, kuyewa kamulanda mucheche ubena kukeba kwikala na bumi.

³⁴⁴ Mulongo Tony, bushe wajingapo na kintu kimo nyi?

[Mulongo Tony wapana sawakya wa lubuko—Waku.] Abyo ibyo.

Amena. Amena. Ee, akyo kyawama, ne akyo. Ee, Aye kine ukekyuba, Aye ke Ubuka.

[Mulongo waamba kwi Mulongo Branham—Waku.] Ee. Ee. Ee, mulongo. Amena. Kine. Ee.

³⁴⁵ Amiwa kine nafwaina... Kyawama, Naketekela mba Lesa usa kwikibwezha kwi obewa, mwaana, mwakonsha kwikibwezha ne ku mumweshi. Abyo kine ibyo. Ke kya lushimuno ku lukumo lwa Lesa, lombai mba Lesa usakwikyuba. Oo, Aye—Aye... Inge Aye ye Lesa Wabulume bonse, Aye wakonsha kuuba bintu byonse. Inge Aye kechi wakonsha kwikyuba ne, bintu byonse, Aye kechi ke Lesa Wabulume bonse ne.

³⁴⁶ Pajipo kintu kimo akyo kitulenga atweba byo tuji, mujishinda jo tujimo, nangwa inge twafwainwa kwikala na—na mutwe nobe ng'onyi, nangwa kintu kimo kya musango yewa, inge kechi kwajinga Busendwe kunyuma yetu pa muntu pa muntu bwa kwitulenga na mwekelo, bwa kulenga kichi kya maoka, kichi kya popula, kichi kya kisonga, ne—ne kwikyabanya kimo ku kikwabo byo—byo kiji. Kechi kwitulenga na... bakwabo baji na boya, kabiji bakwabo na mayona, kabiji bakwabo na bikoba, amba anweba... Monai, ke—ke Busendwe buji kunyuma ya kyokyo, bo—bo bulama kyokyo. Mambo Aye walama bintu byonse mu maboko Anji. Kabiji Nayuka mba Aye wakonsha kuuba bintu byonse. Kabiji tusa kwi kilombelela, tusa kulomba.

³⁴⁷ [Mulongo waamba kwi Mulongo Branham—Waku.] Ibyo. Tuji na...

³⁴⁸ [Nyenga Snyder waamba mba, “Mulongo Billy, ndekelaiko mambo.”—Waku.] Ee, maama, akyo kijitu bulongo, twajijilaitu. [Nyenga Snyder wapana sawakya wa kuuba mba wabukilwe kimye Mulongo Branham po amulombelejile Pamulungu wapita.] Amena. Mwayukatu, Naesekele kulanguluka, Nyenga Snyder, kimye kimo byo Naimene popa mu kokwa kushingwa, Nalangulukile mba... Nabuujiile Mulongo Cox, Naambile mba, “Amiwa kechi nkatwajijila ne jikwabo bya kuyuka bapashi mu mpwijilo pa tabbanako ne.” Oo, anweba kechi mwayuka diabola byo ansuma pa kishiki ne, nyenga. Byo—byo ekyuba aye! Mwayukatu, umbula pa bibye bya kuyuka bapashi.

³⁴⁹ Kabiji papo, kyamwekele kuuba mba yenga uba Mrs. Woods uji muno... Amiwa kechi nakimonapo kala bantu babo ne. Jibumba ja mwiabo jatambwile lubuko mu kyokya kimye, ne bonsetu... Kika, mwayukatu, ke kibese kikatampe kya boba bantu babukilwe. Kabiji panyuma ya... Kintu kyenye pano: nyenga yanji, Amiwa najile kajo kamulajilo naji bufuku bumu, pepi nobe milungu ibiji kasa kikyangye kubiwa,...

Oo, konkakwa ku mitumba ya mu Kentucky, kabiji Ami—Ami nayukatu wajinga na jwi nobe ja ba Mrs. Wood, kabiji kechi kwajinga kyeya kyabaya mu luumu ne. Kabiji Amiwa kechi nanteleko muchima kwi aye nangwa byonkabyo ne, Najinga, naambilenga kyabaya ku mulume wanji, wajinga na kajo ka mulajilo kanengezhiwa. Kabiji twayile na kuja; kabiji ne kubwela monka, Nesambile na mulume wanji, waimene ne kuya pangye. Kabiji Lesa Ao ye Mutonyi wami wayuka (kasa baimana ku uno pulupiti) Amiwa kechi na muyukile awa mwanamukazhi ne.

³⁵⁰ Kabiji pa kupwisha mpwijilo ya lubuko, Naichile lwito lwa kitapisho kya lulapilo kya bandengamambo. Kabiji wajinga bingi na bwitote ne kwilundumika Nakyo; kabiji walapijile ne kupana bumi bwanji kwi Kilishitu, wasutwile kuboko kwanji amba wapana bumi bwanji kwi Kilishitu, kasa abena kujila. Panyuma kushingwa kwa manyi kwaya, na kwita lwito lwa kitapisho kyami, kabiji ne bikwabotu. Kabiji pano Naalulukile, kabiji ke ku kimwesho, kabiji Namumwene mulongo wanji; ao wajinga nyenga, awe wajinga nyenga yanji, ne bakwabo pamo.

³⁵¹ Kabiji Nalangulukile mba mukazhi wakwa Charlie, mambo Nayukile byo twaikela pa tebulu juba jikwabo, konka kwa ku—ku nzubo yakwa Charlie. . . Mukazhi wanji mucheche, muntu mucheche, Nkambo wamwesheshe lukatazho lo ajinga nalo. Kabiji kufuma ku kyokya kimye, aye Nkambo wakwachile pa mubiji wanji, waikala popa pa tebulu wanji. Tony, konka kotwajinga, kokwa, twaile na kwipayaya baluyeye. Kabiji aye Nkambo wakwachile pa mubiji wanji ne kufumyapo kikye kintu kyo amvwalanga kyonse. . . mu kimye kyanji kyonse kya bumi, kyafumine pe aye; kasa aikala ponkapa. Kabiji awa mwanamukazhi mucheche mubiji kimye kyonse wajilanga ku kipela kyatebulu, pakuuba leelo, wajikwiya kwipi, ne kuleta kipona kyanji mukachi, ne kutatula kuja ku lubaji lwami. Aye kechi wayukile kyo aubilenga ne. Mulume wanji kasa aikala *bibye*, kabiji ne Mulongo Banks waikala byobya, ne atweba kasa tubena kwamba. Kabiji waendele na kuzhokoloka, ne kutola kipona kyanji, ne kwikibika ku lubaji lwami. Kabiji kyajinga kya na kilumbululo kimo, aye Nkambo wamwesheshe kimwesho ponkapo. Kabiji Amiwa naichile mulume wanji, mambo lwajinga lukatazho lwa bainetu, Natatwile kumubuula kyamwekele. Aye waambile mba, “Mulongo Branham, abyo kine byo kyamwekele, nobe byonkabyotu.” Kabiji ponkapa wamubuujile, kabiji Nkambo wamubukile. Kijitu bulongo.

³⁵² Kabiji panyuma pwijilo byo yapwile bufuku bukwapo, kabiji yuwe mukwabo nyenga, Namwene yuwe mwananyike Charles ne yuwe mwanamukazhi baji pamo. Nalangulukile mba, “Awa wafwainwa kwikala mukazhaji wanji; bino mukazhanji wabaya, kabiji awe ke mwanamukazhi wa mutwe-ufita.” Kabiji Namwene kimwesho kyaendele kuya mu koona momwa.

Kabiji waikele popa na kunshimuna meso anji kabiji Nkambo wamwesheshe kimwesho panyuma ya kwikala...lwito lwa kitapisho...panyuma ya kupwisha pwijilo ya milombelo, kubuka kwa bakolwa, ne lwito lwa kitapisho lwaubiwa, kabiji Lesa wapembelejile poso byo alapijile ne kupana bumi bwanji kwi Aye kabiji wabwela wa mubuka. Kabiji wajinga na... makatazho anji a muvimbishanga pa myaka yavula. Kabiji wabwelele panshi bingi, ne bintutu bikwabo, poso ne maulu anji aikala auba mikafi konka ko kyapichijile kufuma mwi aye (bulembe) kufuma mu mubiji wanji. Waumvwako bulongo kukila byo aumvwanga pa myaka yavula, mwamona. Kabiji aye Nkambo monka mwaila lusa lwanji ye uba kyokyo! Nalanguluka mba abyo byo jajinga jishimikila; kechi ibyo nenyi, Nyenga Wood? Kabiji Aye byo oba! Panyuma... Kwamba ka? [Nyenga Wood waamba mba, “Wataile mapaundi sebeni mulungu wapwa.”—Waku.] Mapaundi sebeni mu mulungu umo. Oo, Aye ye Lesa, kechi Iye nenyi?

³⁵³ Bino, Amiwa nsakwimubuula, ene mambo o Naambijile kwi Mulongo Neville...Nalangulukile mba kape uji na mbila ya bufuku bunu. Aye waambile mba, “Ine,” kechi wanji nao ne. Kabiji Njina mepuzho acheche kuno ashajilepo, Naumvwine lutundaiko lwa kwiya kuno na kunkumbula ao mepuzho. Kabiji Njina abiji nangwa asatu akwabo ao o Nakonsha kubula kufikako bufuku bunu.

³⁵⁴ A miwa nasaka kwimumweshwa amba amo apainwe ku musapwishi. Mulongo Neville nobe, nangwa, Beeler wi aleteletu kwi amiwa. [Mulongo Branham wakumbula mepuzho eiti alondelapo mu Kibese kya III, nobe mepuzho 67 kufikatu ne 74—Waku.]

Nanchi mabwe aimenako ka mu Lumwekesho 21:19 ne 20?

Londololai binyama bina bya mu Lumwekesho 5...
Aye watazha ku 6; kechi Lumwekesho 5 ne, ke 6, byo Nalanguluka.

Kabiji bo bang’anyi bakulumpe tweti-foolo?

Muzhinge wachijisha wa Ntendekelo 38 walumbulula ka?

Biji kwepi bya bupe bikatumiwa mwaila lufu lwa bakamonyi babiji, Lumwekesho 11?

Kweepi kukekala bazhijikwa panyuma ya kwikala myaka-kiumbi kimo? Kabiji ing’anyi musango wa mubiji ye bakekala nanji?

Atweba tukapingula byepi bamalaika?

Kika suki kyo yaikela na mambo a bamalaika ba mu Kolinda Mutanshi?

³⁵⁵ Kwambapo na mambo amo awama, ao oamo awama. Amiwa kape kechi nakonsha kufika kwi ao bufuku bunu ne, pakuuba

inge Nkambo waswa, Nkeseka kufikako kimye kikwabo kyo tukeya mambo abyobyoyo.

³⁵⁶ Njina amo awama bingi bufuku bunoy; nanchi tusa kulombatu ne kwipuzha Nkambo amba etukwashe, kabiji tutwelema pa alondelapo, oo, sate-faivi, mamineti foote.

³⁵⁷ Pano, Taata wapeshiwa Wamwiulu, twasata kwi Anweba pa byonse byo Mwitubila. Kabiji, oo, kyaikala kyakukumya bingi pakuuba mba lusa Lwenu lufike kwi atweba. Amiwa mbona kulanguluka pano, bufuku bukwabo, kabiji na yewa mulunda nami mucheche, oo, wakolwa bingi, kabiji Anweba mwaiya pa kino kifulo. Mashika aji atatwile kuchibaika yekawa awala, kabiji pano apwijijika. Amiwa ne musachila Anweba. Kabiji aye...pano lombaitu amba Anweba musakwikala na umoy kabiji ne yense waiyuzha kyakukabila bufuku bunoy. Kabiji kechi twayuka nangwa pacheche ne, poso kyaiya ku nzuboy yetu, byo kyalumbulula, mulombeloy mucheche. Anweba Lesa, kika...byo—byo mwikala wakine Anweba. Mu kyokya kimye dokotala inge wafumakoy, ne kwaamba mba, “Amiwa kechi nayuka ne, Amiwa kechi nakimonapoy kintu kyuba byobyoy ne,” kabiji ponkapoy Nkambo Yesu wiya pa kyokya kifulo.

³⁵⁸ Anweba Lesa, Anweba mwi bakine kwi atweba, kabiji tuji bingi na lusekeloy pa kikyey. Twalomba mba Anweba mwitulekeleko ku mashinda etu onsey, kabiji ne byubiloy byetu byakosama. Kabiji, oo, tuvulukaiyoy atweba, Nkambo, amba twi bantu banyama ne mashi mu ntanday iji na fishi, ntanday ya fishi ne bubiy kabiji ne makatazhoy. Kabiji tubenay kutalay mukipembe, nobey byoy kyajingay, pa mesoy etuy, kabiji atweba tumonatu ne kuyukay nobey byotubay atweba bantu panoy. Pakuubay jubay jimoy akuy kipembe umvwe kyavwetukay, tukemumonay Anweba kilungiy ne kilungiy monkay moy betuyukilay. Ajay joy jubay jotukebay.

³⁵⁹ Twalomba Taata, panoy, amba Anweba musakwitukwashey byoy tubenay kwesekay kupanay ku bantu Kyambo kuy Lesa, monkay mwailay byakukabilay byaboy. Senday misongoy yonse kufumay mwi atweba. Twimukebay Anweba, Nkambo. Kabiji twalombay mba Anweba musakwikiswishay. Lekay lusa Lwenu lupewey kwi atweba, mambo twikipuzhay mu Jizhinay jay Yesu. Amenay.

³⁶⁰ Bino, mu kukumbulay mepuzhoy, Amiwa kechi yamiy wakilay kuwamay moy kyaaloy ne, mwayukatu. Bino Amiwa nsakukumbulatu monkay moy nayukilay.

³⁶¹ Ajinoy ijoy joy Natatwile najoy bufuku bukwaboy, kabiji ne kwimanay Naimeney:

60. “Konkay ku Mupashiy umoy atwebay bonsey twabatizhiway mu mubijiy way Kilishituy.” (Anweba bonsey mwavulukay ajoy jajingay jipuzhoy joy Najingay nanjoy. Pano ajoy jitanway, nangway byonkabyoy, mu Kolinday Mutanshi 12). . . **Pakyokya kimyey twajingay...kutambulay kusemway kupyay, akuyey poy kyubiway.**

Ke kikye...Bushe akwe ko kubatizhiwa kwa Mupashi Wazhila, nangwa kujipo lubatizhilo lwa palutwe, nangwa ko kuyuzhiwa?

³⁶² Pano, ajo ke jipuzho jabaya bingi, kabiji twakonsha kutaya kimye kyetu kyonse pa jipuzho jimo, kabiji bufuku buno ne keesha bufuku ne bikwabotu. Kya konsha kusenda... kyakonsha—kyafwainwa kutola ne kukashila Baibolo yense pamo. Kyonse Kinembelo kyafwainwa kwikasa pamo bulongo na Kinembelo kyonse kikwabo mu Baibolo.

³⁶³ Bino kweseka kwikipipishatu, patoka nobe monka Monayukila kwikyubila, ine; inge waketekela mwi Nkambo Yesu Kilishitu, obewa ponkapo nishi uji nakusemwa kupya. Inge waketekela mwi Nkambo, utambula mulanguluko wa katataka, bumi bupya, bino kechi ke Lubatizhilo lwa Mupashi Wazhila ne. Mwamona? Obewa uji na kusemwa kupya inge waketekela, obewa uji na Bumi Bwapeenape. Ke kya bupe kya Lesa akyo kyapewa kwi obewa kupichila mu lusa lwanji pa kuswa kya bupe Lesa kyo abena kupana kwi obewa. “Aye—aye umvwa Byambo Byami ne kumwitabila Aye watuma Ami, uji na Bumi Bwapeenape.” Uji na Bumi bwa myaka; ako ke kusemwa kupya, obewa waaluluka, kyalumbulula mba obewa “waaluluka.”

³⁶⁴ Pakuuba Lubatizhilo lwa Mupashi Wazhila lwimubika mu mubiji wa Kilishitu, wafikilamo mu bya bupe pakuuba mba wingile mwingilo. Kechi kyakonsha kukulengela kwikala Mwinakilishitu wakilapo ne, kikubikatu mu mubiji muji bya bupe. Mwamona? “Pano, konka ku Mupashi umo” (Kolinda Mutanshi 12) “atweba bonse twabatizhiwa mu mubiji umo. Pano,” Paulo waamba mba, “kuji bya bupe byapusanapusana, kabiji mu yuwe mubiji muji bya bupe naini kya bumupashi.” Kabiji mu yuwe mubiji... Obewa wafwainwa kubatizhiwa mu mubiji pakuuba mba wikalepo na kimo kya bibye bya bupe. Biya na mubiji.

³⁶⁵ Bino, pano, nobe kwikala na Bumi Bwapeenape kabiji ne kwikala Mwinakilishitu, obewa wi Mwinakilishitu pakyonka kimye kyo waketekela. Pano, akyo kechi bu kitabila-mbijinga ne, ako ke kwitabila kwa kine mwi Nkambo Yesu kabiji ne kumutambula Aye nobe Mupulushi wenu; obewa wasemwa jibiji monka muno, kabiji uji na Bumi Bwapeenape. Lesa waiya mwi obewa.

³⁶⁶ Pano monai, Bumi Bwapeenape; Yesu waambile mba, “Aye umvwa Byambo Byami ne kumwitabila Aye Wantuma, uji na Bumi Bwapeenape, kabiji kechi ukeya muginje ne pakuuba kulufu wafumako ne kuya ku Bumi.” Obewa ke wikilengwa kipya ponkapotu. Nanchi Paulo wamukumenyepo bamo bantu, monka mu Byubilo 19. Bajinga na musapwishi kokwa ng’ambi waalululwe wa jizhina ja Apolosa. Kabiji Apolosa wajinga

muntu wabulume mu Binembelo, kabiji washinikishenga na Binembelo amba Yesu wajinga Kilishitu. Mwamona?

³⁶⁷ Pano monai. Apolosa, kupichila mu Kyambo, washiniikishenga na Kyambo. “Lwitabilo lwiya pa kumvwa, ne kumvwa kwa Kyambo. Aye umvwa Kyambo Kyami, ne kumwitabila Aye watuma Ami, uji na bumi bwa myaka.” Mwikyumvwa nyi? Apolosa, kupichila mu Kyambo, washiniikishenga. Kabiji abo bajinga Benakilishitu, bajinga bakulondela, banababwanga. Kabiji Apolosa washiniikishenga na Kyambo, amba Yesu wajinga Kilishitu. Kabiji bajinga na lusekelo lukatampe ne kutambula Kyambo, nangwa byonkabyo bayukiletu lubatizhilo lwa Yoano.

³⁶⁸ Kabiji Paulo byo wapichile kunundu ya Efisesa, watana babo banababwanga ne kwamba mba, “Mwatambwile Mupashi Wazhila *kufuma* po mwaitabijile nyi?” Mwamona?

³⁶⁹ Pano, inge waketekela, Yesu waambile mba, “Obewa uji na Bumi Bwapeenape.” Ako ke kusemwa kupya. Ako ke kwaluluka kobe, kupipulwa. Pakuuba Lubatizhilo lwa Mupashi Wazhila ke bulume bwa Lesa bo wabatizhiwamo kabiji wafikilamo ku bibye bya bupe naini bya bumupashi kwingila mwi obewa; biji nobe, kusapwila, basapwishi, batumwa, bakafunga, bangauzhi, . . . kabiji ne bya bupe byonse bya mubiji biiya mu kikye, umvwe wabatizhiwa muyuwe mubiji. Kabiji ako . . . kechi kikulengela kwikala Mwinakilishitu wakilapo ne, kikwikajikatu mu kifulo kyobe mu kifulo kya kwikala mupashi wakwingila mu Kipwilo kya Lesa mumi. Pano mwikumvwa nyi? Mwamona?

³⁷⁰ Pano jipuzho ke jino . . . Twayai twiasuke jimo jimo, kuji mepuzho asatu.

“Konka ku Mupashi umo atweba bonse twabatizhiwa mu mubiji wa Kilishitu.”

Akyo kyo kyaitabilwa, Kolinda Mutanshi 12 wakonsha kupana mukumbu ku kyokyo. Kijitu bulongo.

Pakyokya kimye tutambula kusemwa kupya, akye umvwe kyaubiwa? Akyo kimye ka?

³⁷¹ Abyo byo bakeba kuyuka, ee . . . “Konka ku Mupashi umo . . .” Ine. Ine. “Konka ku Mupashi umo atweba bonse twabatizhiwa mu mubiji umo.” Mwamona, apo kechi po pobiwa kusemwa kupya ne, kusemwa kupya kutatula kimye kyo *waketekela* mwi Nkambo Yesu.

³⁷² Pano monai, kechi kujipo . . . kechi kujipo kintu kimo . . . Pano telekai. Kika kyo mwakonsha kuuba kyakila pa kuketekela? Kika kikwabo kyo wakonsha kuuba? Kika kyo wakonsha kuuba pa kikye kyakila pa kwikiketekelatu? Mbulai kintu kimo kyo mwakonsha kuuba. Kechi kujipo kintu kimo kyo wakonsha kuuba pangye ya Kwikiketekela ne. Pano, inge kintu

kyonse kyaiya pangye ya kuketekela kobe, kechi ke kyubilo kyobe ne, ke kyubilo kya kwa Lesa. Onkao mambo . . .

³⁷³ Pano inge twakonsha kwamba kyokyo amba anweba . . . Bimye byavula byo Namonapo, bimye byavula, bantu betaba “kiyukilo kitanshi kya kwamba mujimi” amba ye Mupashi Wazhila. Kabiji kimye kimo kisukanya bantu, nangwa kwibapuma ne kwibapapasha, kwamba mba, “Kyambai. Kyambai. Kyambai. Kyambai.” Mwayukatu, kubwezhapo kyambo jikwabo ne jikwabo, “Kyambai. Kyambi. Kyambai.” Monai, ke kintu kimo kyo ubena kuuba obewa mwine. Kabiji—kabiji—kabiji kechi . . . kechi kyuba ne . . . kechi—kafwako byo kiji ne. Obewa wakonsha kwikala na kivundakanya kya jimi. Wakonsha kwikala na—na bintu byavula, ne ng’umvwino ya ku mubiji. Pakuuba umvwe kintu kimo kyaiya pangye ya lwitabilo lwa bumuntu bobo obewa mwine, kyafwainwa kwikala kya bupe kya Bulesa Lesa kyoapana kwi obewa. Mwamona?

³⁷⁴ “Kabiji konka ku Mupashi umo atweba bonse twabatizhiwa mu mubiji umo.” Akyo kyo kyaitabilwa, mwamona. Lubatizhilo lwa Mupashi Wazhila ke kyubilo kyapusanako na kusemwa kupya. Kimo ke kusemwa, kikwabo lubatizhilo. Kimo kikuletela Bumi Bwapeenape, kikwabo kikupa bulume. Kipana bulume bwakuya mu Bumi Bwapeenape, monai, bwa kwingila. Pano mwikyumvwa? Kijitu. Kijitu bulongo.

³⁷⁵ Pano jino ke jikwabo, jaiya jabubiji, awamisha o Najinga nao abwa bufuku:

61. Kwepi kwajinga Mupashi wa Yesu pa moba asatu mubiji Wanji byo ajinga mu kilende? Kwepi kwajinga Mupashi Wanji?

³⁷⁶ Pano, mupashi Wanji, inge mwalondela Binembelo, . . . kyawama, twakonsha kuletatu pantu pavula. Bino, Nakumya, ing’anyi uji na Baibolo? Mulongo Stricker, uji na Baibolo? Kijitu bulongo. Mulongo Neville, uji na umo? Mwenai Masalamo 16:10. Kabiji ng’anyi mukwabo? Nyenga Wood, uji na Baibolo popo? Kyawama, Mulongo Stricker, (kijitu bulongo, umo mwi anweba), mwenaiko Byubilo 2:27, Byubilo 2:27.

³⁷⁷ Kabiji pano, kitu kitanshi, kimye Yesu kyo afwile . . . Umvwe wafwa, mubiji obe ufwa. Kyambo kya *lufu* kyalumbulula mba “lwabano,” kwabanatu kufuma ku batemwe bobo. Bino papo Aye waambile kikyee, mu Yoano Wazhila, kyapitala kya bu 11, “Aye umvwa . . .” Kechi . . . Nalomba lulekelo lwa mambo; amo ke mu Yoano Wazhila 5:24, “Aye umvwa Byambo Byami uji na Bumi Bwapeenape.”

³⁷⁸ Yesu waambile kwi Mata, wayishile na kumukumanya Aye, . . . Waambile mba, “Inge Anweba mwajinga kuno, mulongo wami inge kechi wafwa ne. Bino nangwa ponkapano, kyonse Anweba kyo musakulomba kwi Lesa, Lesa usakwimupakyo Anweba.”

379 Aye waambile mba, “Amiwa ne Lusanguko ne Bumi.” Mwamona? “Aye waitabila mwi Ami, nangwa afwe, byonkabyo ukekala na bumi; kabiji yense uji na bumi ne kwitabila mwi Ami, kechi ukafwa ne.”

380 Bino—bino, kuji lubaji lwa bamwiatweba bakabula kufwa. Kabiji nobe byo Napita mu ndonda ya Binembelo, kintu kyonse kiji na ntendekelo kiji ne na mpelo. Ke bintu byabula ntendekelo, byo byabula ne mpelo. Onkao mambo inge atweba twatambula Kilishitu, Lesa, atweba twikala baana babalume ne babakazhi bakwa Lesa, kabiji Bumi bwetu bwikala bwabula mpelo byonka biji Bumi bwa Lesa bwabula mpelo; tuji na Peenape.

381 Bino, kyambo *myaka*, twajikupitamo. Akyo kyambo *forever* ke “kubalwa kwa kimye,” *myaka ne* (kunungakanya) *myaka*. Kabiji twatana kuuba mba kiji na—kiji na mpelo, kijitu pamo nobe kuyanda konse, kabiji ne misongo yonse, kabiji ne bulanda bonse, ne kumanyikwa konse, kabiji ne kalunga kabafu ako kene kaji na mpelo.

382 Pakuuba Bumi Bwapeenape kechi buji na mpelo ne, mambo Kechi bwajinga na ntendekelo ne. Kechi kyakonsha kufwa ne mambo Kechi kyasemekelwe ne. Kechi bwajinga na ntendekelo ya moba ne, Kechi buji na mpelo ya kimye ne. Pano, jishindatu jimo jo twakonsha kwikelamo Peenape, ke kupichila mu kutambula kintu kya Bupeenape. Kabiji Lesa wajinga; kasa kukyangye kwikala kintu kintu kiji kyonse ne, kyajinga Lesa. Lesa kechi wajinga na ntendekelo nangwa mpelo ne.

383 Kabiji Lesa wajinga yuwe Mupashi mukatampe. Twamumwesheshe Aye nobe—nobe misombelo sebeni ya kakongolo ka kamvweta. . . Kakongolo kakonsha kukumbana pa ntanda yonse inge kabula kufikila pa ntanda. Ke meematu aji mu kizhingu kivunga pantanda, kyo kikalenga. Bino, pano, byonka biji Lesa Wapeenape, kabiji Aye wajinga Walumbuluka: butemwe bwalumbuluka, mutende walumbuluka, lusekelo lwalumbuluka, kufikilamo kwalumbuluka. Aye yonse mipashi sebeni (inge twamona mu Lumwekesho), yalupukile; yo yalenga Lesa, ko kulumbuluka. Bintu byonse biji pangye ya kyokya ke bintu byatwalwa mungi kufuma mu Kyokya.

384 Pano jishindatu ja kwikyubilamo pakuuba tubwele mu kulumbuluka, ke kubwela jibiji na Kokwa (kulumbuluka, ao uji ke Lesa). Nanchi pano tufika pa kulumbuluka, nanchi popo twikala na Bumi Bwapeenape; kwakubula mpelo ne, nangwa kwakubula—kwakubula nangwa kimo ne, kyaikalatu myaka ne myaka Bumi Bwapeenape.

385 Pano ubena kwamba pa mweo. . . mupashi. Mambo tubika mibiji yetu pa kilende kya kwa wazhila wa mwi atweba, namambo a yuwe mubiji. Kabiji ne mubiji. . . kintu kitanshi, kimye Lesa, Logosi wafumine kwi Lesa. . .

³⁸⁶ Nangwa, nobe byonka byo Napitamo kala, Bakatolika Bekitela mba, “bubaana Bwapeenape bwakwa Lesa.” Akyo, nobe byonka byo Naamba kunyuma, akyo kyambo kechi kilumbulula nangwa kimo ne. Monai, kechi kwakonsha kwikala mwaana Wapeenape ne, mambo mwaana wafwainwa kwikala na ntendekelo. Kabiji nanchi Yesu wajinga na ntendekelo, Lesa kechi wajinga na ntendekelo ne. Mwamona? Pakuuba Mwaana wajinga. . . kechi bubaana Bwapeenape ne, bino Mwaana wajinga ne Shanji muntendekelo wajinga Logosi wafumine kwi Lesa.

³⁸⁷ Kabiji wajinga fiyofani wakwa Lesa walupukilemo. Musango wa bumuntu wabujile meso nobe byo mumona ne; jiso jawama. Kechi wajinga na matwi nobe kutwi kobe ne, bino kasa kutelekesha kukilapo. Mwamona, Wajinga fiyofani, kuuba mba, ako konse kakongolo kapwilakena mu—mu fiyofani. Mosesa Wamumwene kimye kyo Apichile mu jibwe nobe byobya. Aye wamwene mampuzha a kunyuma, waambile mba, “Wamwekele nobe muntu.”

³⁸⁸ Abulahama wamumwene Aye byo Aishile mu mubiji wa muntu ne kuja nyama ya ng’ombe, watoma mukaka, waja bbata. Abulahama wamumwene Aye byo Atwelelemo, kabiji wabwela wafumamo. Twatana kuuba mba mibiji yetu yalengwa ku bintu sikisitiini bya pantanda, abyo biyatu pamo. Kabiji Lesa wibibikile kya pamo, ne kubika ba Malaika babiji mu iye mibiji; Bamalaika baimene ne kwamba. Kabiji Bamalaika bajinga bantu kimye kimo. . . kabiji pa kyokya kimye.

³⁸⁹ Pano monai, twatana kuuba mba, Wajinga ng’anyi Milekezendeke kanatu Lesa Ayemwine! Kechi kyafwaijilwe kwikala mukwabo ne, mambo Aye wajinga Mfumu wa Salema kokubamba Yelusalema. Aye kechi wajinga na shanji nangwa inanji ne; kechi wajinga Yesu ne, mambo Aye wajinga na shanji ne inanji. Aye kechi wajinga na ntendekelo ya moba ne, kafwako mpelo ya bumi ne; kujitu Umo uji na kyokyo, ao ke Lesa. Kyajinga Lesa waikala mumwe mu bufiyofani. Mwamona? Monai, Mfumu wa Salema.

³⁹⁰ Bino, Lesa wayikele mu nkulo, kupichila mu bantu Banji. Kyajinga Lesa awa wajinga mwi Davida, awa wamulengejile kwikala pa mutumba, kabiji nobe mfumu ye bakana, wajila ne kujila. Awa Mupashi umo wa mwekele mwi Yesu Mwaana Davida, Ao ye bakaine mu Yelusalema kabiji wajijile.

³⁹¹ Yosefwa, wapoteshiwe pa mali a masiliva makumi asatu, bamushikilwe ku mulongo wanji, watemenwe ku bashanji, waiketetu ku kilujo kya Felo, kabiji kafwako muntu nangwa umo wakufika ne kanatu. . . kupichila mwi Yosefwa, kabiji tolopita yavumine ne manungo onse afukamijile Yosefwa: kipasha kyalumbuluka kya Kilishitu. Awa wajinga Mupashi wa Kilishitu waikelenga mu boba banabalume. Mwamona?

392 Pano, bino papo Yesu byo afwile, kyajinga Lesa wamwekele mu mubiji. Lesa waalukile ke muntu. Mwaila mizhilo ya bukuzhi, jishindatu jonka jimo muntu jo akonsha kulubwilamo bintu byataika mu Isalela, aye wafwaijilwe kwikala mukuzhi wa mukipasha kyabo. Aye wafwaijilwe kwikala mukuzhi wa mukipasha. Buuku wa Luta wikilondolola bingi bulongo; kabiji wafwaijilwe kwikala mukuzhi wa mukipasha. Nanchi Lesa waikale ke wa mukisemi kya muntu, pakuuba mba muntu ekale ke wa mukisemi kya Lesa. Mwamona?

393 Aye uji na mupashi mwi aye, muntu byo aji inge wasemwa, mambo ke mupashi wa mu kitemwa. Ke mupashi wa ntanda, ke mupashi wa—wa lesa wa inontanda. Aye ke wa mukisemi kya kwa Adama.

394 Kichi kitemununa akyo kine. Jisaka jitemununa ajo jine. Banyama besemununa abo bene. Bantu besemununa abo bene. Abo ke byalengwa-byafuma ku biine bitanshi byalengelwe. Mwi kyumvwa?

395 Pano, bino umvwe muntu wasemwa, aye wasemwa na mupashi wa muntanda mwi aye mwine. Ao oene mambo kyo afwainwe kusemwa jibiji. Mambo mupashi ufuma ku kwimita kwa shanji ne bainanji, ako kwajinga kwimita kwa masongola, kabiji kyakine kechi wakonsha kwikala na bumi myaka ne myaka ne. Nanchi aye wafwainwa kusemwa jibiji. Kabiji kasa akyangye kuuba kyokyo ne, Lesa waishile pantanda ne kulenga jishinda ja kusemenwamo jibiji; mambo kechi wajinga najishinda ja kwikujilamo aye mwine ne, aye wajinga kwakubula luketekelo. Aye kechi...kwakubula luketekelo, kwakubula Lesa, kwakubula Kilishitu, mu ntanda, walubilamo kabiji waya. Aye—aye...kechi kujipo kyo akonsha kuuba kya kwipulusha aye mwine ne. Aye...yense...Nangwatu inge wajinga ng'anga mukatampe, inge wajinga bishopu, inge aye wajinga papa, musango yense ye ajingamo, aye wazhatwatu pamo nobe muntu mukwabo.

396 Nanchi, kyasendele yewa Umo wabujilwe kuzhatwa, kwikyuba. Kabiji ne yewa Umo wabujile kuzhatwa wajinga Lesa Ayemwine. Kabiji Lesa waishile waikala ke muntu (kabiji Aye wayishile mu musango wa Kilishitu) kwikala kimiko kya lumuna wa lufu, kufumyapo lumuna wa lufu, pakuuba mba etukuule atweba, amba atweba...kechi mwaila mingilo yetu nangwa mu buwame bwetu ne (kechi tujipo na kimo ne), kana konka ku lusa Lwanji, ko twapulukila. Nanchi popo tutambwila Bumi Bwanji mu uno mubiji ufwa, kabiji pano atweba twi baana babalume ne babakazhi bakwa Lesa, kabiji tuji na Bumi Bwapeenape mwi atweba. Atweba twi baana babalume ne babakazhi bakwa Lesa. Onkao mambo, Yesu, byo aji na bumi... .

397 Kabiji kafwako muntu nangwa umo ne, nangwatu ekale byepi mubi nangwa wawama byepi, inge aye wafwainwa... .inge

wafuma pa inontanda, kechi wafwa ne. Aye ujipo kuntu kumo. Bino uji na bumi abo bukonaika, panyuma ya kumanyikwa mu kalunga ka bafu na mambo byubilo byanji, aye. . . bino nangwa byonkabyo abwa bumi bwafwainwa kupwa. Kujitu musango umo wa bumi Bwapeenape.

³⁹⁸ Bino, twapitamamo mu byobyoby. Inge muntu wakonsha kwikala ndengamambo kabiji wamanyikwa myaka ne myaka. . . Aye kechi wakonsha kumanyikwa myaka ne kanatu uji na Bumi Bwapeenape. Inge uji na Bumi Bwapeenape, aye nishi wapuluka. Mwamona? Nanchi kujitu musango umo wa Bumi Bwapeenape, kabiji abo ke Zoe, “abwa Bumi bwa Lesa.” Kabiji kechi wakonsha konaika ne.

³⁹⁹ Pakuuba babi baji mu kifulo kya—kya kupembelela (mu kumanyikwa) kuchibiwa kwa mambo abo (na kuchibiwa mambo monka mwaijile byubilo byo baubile mu mubiji) pa joja juba. Bino, bino atweba. . . Bubi bwa muntu umo butangila palutwe yabo, bamo bwibalondela panyuma yabo.

⁴⁰⁰ Pano umvwe twisolola mambo etu, Aye uketulekelatu mambo, onkao mambo kechi tukemana mu luzhachisho lwa Lesa ne. Mwikyumvwa nyi? Talai, Loma 8:1, “Pano kechi kuji luzhachisho ku boba banji mwi Kilishitu Yesu ne.” Aba baji MWI Kilishitu. Aba bapitaila kufuma kulufu kuya ku Bumi; monai, kechi tuji na luzhachisho ne kabiji wajinga mwi Kilishitu Yesu. “Aba babula kwendela mu butunshi, pakuuba mu Mupashi.” Mwamona? “Aye umvwa Byambo Byami, ne kumwitabila Aye watuma Ami, uji na Bumi Bwapeenape.”

⁴⁰¹ Kabiji inge Naitabilwa mwi Kilishitu, kabiji Kilishitu wasendele luzhachisho lwami, kabiji Amiwa naswile mfuto Yanji ya mambo a bubi bwami, pano nga Lesa wakonsha kuzhachisha byepi? Aye wazhachisha amiwa, Aye byo a muzhachisha Kilishitu. Nanchi Amiwa nakasuluka kufuma ku luzhachisho. “Nanchi inge Namona Mashi, Amiwa kakupitaila.” Mwamona?

⁴⁰² Bino, pano, mubi kechi uji byobyoby ne. Aye uya mu kifulo kya kumanyikwa. Kabiji twayuka mba akyo kyakine. Aye mubi uji na bumi. Aye uji mu kifulo kya kumanyikwa. Aye uji mukifulo kyakubula kuyuka. . . Abo abo besamba na bapashi ne bafu byo beta iye mipashi ya bantu baya kala, kijitu pamo nobe kayilo ne bisela byatama kabiji ne bintu byo booba, inge anweba mwamonapo kala kimo. Kijitu bulongo. Kika? Abo kechi. . .

⁴⁰³ Talai pa iwe Miss Piper, sawakya wami kasa akyangye kuya wa *Kyakukumya kyakwa Donny Morton*. Baanga batangapo awa sawakya? Ee, anweba bavula mwaubile, kine. Kabiji kiji mu *Reader's Digest*. Bushe mwamwene nyi? Akyo kasa kikyangye, kwajinga kiba Miss Piper, mukatampe wisamba na bapashi wayukanyikwapo kala pa ntanda. Mapeje twelufu apewe ku jishimikila janji. Kabiji pa myaka fifite. . . Baikala nanji pantanda yonse, ne kushiniikishiwa na bya kisaayasi kabiji

ne bintu byonse, amba “aye kine wisaamba na bafwa, kabiji ne bantu beya.” Kika? Jizhina ja Lesa kechi ja tongwelwepo nangwa kimye kimo ne, kafwako lulapilo, kechi mujipo lubuko lwa Bulesa ne, kafwako nangwa kimo pa Kikye ne, mwamona.

⁴⁰⁴ Kintutu kimo kyajingako, ke booba bantu batongolwapo, “Yoano, kechi wangyuka nenyi? Amiwa ne George wajinga *kuyoya* mpuzha, kabiji Najinga *kananga-ne-kananga* kabiji *kananga-ne-kananga*. Anweba mwavuluka yoya mpuzha kotwaile na kuuba kikye?” Monai, byo byonka byo bayuka. Baya. Bapita kufuma ku...Kafwako—kafwako nangwa kimo kyashalako ne kanatu bunchibamambo.

⁴⁰⁵ Kooka kubandamina kichi, iko kokiiya nakuponena. Kabiji ye musango ye ufwilamo...Ao oene mambo Amiwa kyo napusenako pa kulombelela bafwa, mwamona, mu misashijilo ya milombelo nangwa—nangwa ne kijilo kya bazhijikwa kabiji ne bikwabotu. Kechi kyafwainwa kwikala byobyoye ne, mwaila Kyambo kya Lesa. Kechi kyawama kulombelela muntu uji yense ne panyuma yakuya. Abo bapwa. Baji...baji...Bapitaila pa mulaini wa pakachi ka lusa ne luzhachisho. Baile nangwa ku lusa, nangwa bafumineko ku lusa. Yesu waambile byobyoye, mu kyapitala kyabu 16 kya Mateyo Wazhila, Aye—Aye—Aye wikifunjishe; kyapitala kyabu 16 kya Mako, Naketekela byo kiji. Awa mwanamulume munoshi ne Lazalaza; kafwako muntu nangwa umo wakonsha kukiluka kikye kimbo ne, kabiji kafwako ukakilang’anyapo ne! Abyo byo kiji. Mwamona? Nanchi kibipwisha byonse.

⁴⁰⁶ Pano, pakuuba Kilishitu byo afwile, byonsetu bajinga na bukamonyi amba Aye ye Kilishitu. Pano twayai tuye ku jipuzho jenu. Kintu kitanshi, tubaangabanga twakaine kusama, juba jazhikile, ng’ondo kechi wapaine kyeya kyanji ne, ntanda yafiile mabwe ayo pa kimye kya lufu Lwanji. Kabiji Aye waile na kusapwila ku myeo iji mu kaleya, yabujile kulapila mu kimye kyakukoka muchima kwa moba akwa Nowa. Aye, bamuyukile. Talai pa kyokyo! Kabiji umvwe mukachi muno mujipo ndengamambo bufuku buno, langulukaipo mineti umo pakikye. Juba jimo ao Mamboawama o mubena kumvwa kusapwila kino kimye, mukekala na bukamonyi pa Kikye. Kuntu kumo ukafukamika jinungo jobe, nangwa wikale yobe ng’anyi. Kyakonsha kwikala myaka teeni sauzande kufuma ku jaleelo, kechi kyakonsha kwikala byobyoye ne kanatu...mu lukeelo kelo. Kimye byo kikafika, obewa ukafukamina kuntu kumo, kabiji obewa ukomvwa ao Mamboawama amo akasapwilwa kwi obewa.

⁴⁰⁷ Panyuma ya yoya myeo kwikala mu kaleya, yabujile kulapila ne kimye Enoka ne abo bonse byo basapwijilenga, kabiji Nowa...ne kukoka muchima kwa Lesa, nobe byo kiji pakino kimye, kupembelela kyokya kimye kwiya. Kabiji Nowa ne Enoka ne abo bonse basapwijile, kabiji ne boba bantu basekelenga

ne kwibooba bisela. Kabiji bajinga mu nzubo yakaleya, kabiji Yesu waile na kusapwila ku myeo yajinga mukaleya. Aye washimwine! Meulu ashimwine mba Aye byo ajinga, ntanda yashimwine mba Aye byo ajinga, kalunga kabafu kashimwine mba Aye byo ajinga!

⁴⁰⁸ Aye Baibolo waamba mba . . . Davida, myaka yavula yapita kunyuma, mu Masalamo . . . Kijitu bulongo, Mulongo, mwatanga Masalamo, inge mwakonsha popa. Masalamo 16:10. [Mulongo Neville watanga Kinembelo—Waku.]

[Mambo kechi mukaleka mweo wami mu kalunga kabafu ne; kabiji kechi mukaleka Wazhila Wenu kumona bubole ne.]

⁴⁰⁹ Tangai kintu kimo, mulongo, amo Petelo mo asapwijile, mu Byubilo, kyapitala kyabu 2, veleeshi wabu 27. [Mulongo Stricker watanga Kinembelo—Waku.]

[Mambo anweba kechi mukaleka mweo wami mu kalungu ka bafu ne, nangwa kuleka wenu Wazhila Umo kumona bubole ne.]

⁴¹⁰ Tangai maveleshi abiji aji peulu payo, mulongo, pakuuba mba mumvwe mo kyaila.

[Pakuuba Davida waambile mambo a Aye, mba Namwene Nkambo kasa akelwa ku meso ami moba onse, mambo aye uji ku kilujo kyami, amba kechi Ntenkene ne:]

[Onkao mambo muchima wami wajinga na lusekelo, kabiji lujimi wami wasekejile; kabiji ne mubiji wami ukakelwa mu luketekelo:]

[Mambo anweba kechi mukaleka mweo wami mu kalunga kabafu ne, nangwa kuleka wenu Umo Wazhila kumona bubole ne.]

⁴¹¹ Tangai veeleshi walondelapo.

[Anweba mwangyukisha mashinda a bumi; anweba mukangyuzha na lusekelo konka ku meso enu.]

⁴¹² Ee, monai. Pano, mulunda nami Kamonyi wa Yehoba, Nakonsha kutemwa ku kwipuzha pa kikye. Mwamona? Inge kalunga ka bafu ke mpuzha, Hades, Sheol, monse mo mwakonsha kwikitongwela, inge akyo kipwila pa kilende, nanchi kika kyo aambijile Aye amba, “Amiwa kechi kaleka mweo Wami mu kalunga kabafu ne, nangwa Amiwa nkuleka Umo Wazhila Wenu akamone bubole ne”? Pano ngakyo? Mwamona?

⁴¹³ Pano mubiji Wanji wajinga, mu kilende; kabiji mweo Wanji wajinga mu ngehena, na kusapwila, kasa aji na bumi! Pano ngakyo? Aye wajinga mu bufiyofani ne jikwabo. Mweo wanji wajinga monka na booba bantu bajinga mu bufiyofani ne

abo. Kabiji washimwinenga kwi abo, amba kechi “balapijile mukukoka muchima ne.”

414 Aye...Mung’ambilo ikwabo, Aye wakonkosheshe ku kizhilo. Kabiji kizhilo byo kyashikukile, ne yonse myeo yalapijile, Aye waambile mba, “Amiwa ne Lukunwa wa mwanamukazhi. Amiwa yami Iye Enoka muno...” Monka mu Paladise, mu kifulo kikwabo. Kechi mwakonsha kwibitaya bino bifulo bisatu ne, pano: mpuzha ya babi, mpuzha ya baoloka, ne kalunga kabafu ako kene. Mwamona?

415 Kijitu pamo nobe bibese bisatu bya Mwiulu, nobe: Taata, Mwaana, ne Mupashi Wazhila. Kijitu pamo nobe bibese bisatu bya lukinyama: ngauzhi wabubela, awa lukinyama, kabiji ne—kabiji ne kiyukilo kya lukinyama. Kabiji byonse byo, vulukai, byonse biji mu bibese bisatu. Bibese bisatu bilenga kimo, kulumbuluka. Umo walumbuluka. Obewa walumbulukila, umu mu bisatu: mweo, mubiji, ne mupashi; meema, mashi, ne mishipeshipe. Monai, musango yense ye ujimo, wafwainwa kusenda bisatu pa kulengamo kyalumbuluka. Tolai galasi wa makoona-asatu ne kusamishapo juba, mufuma kakongolo kalumbuluka. Monai, bintu byonse, wafwainwa kwikala na bisatu pakuuba mba wikale na kimo kyalumbuluka.

416 Kabiji pano, vulukai mba, kimye kyo Afwile, Aye waile patanshi na kusapwila ku myeo yabujile mu kaleya...aya yajinga mukaleya, kabiji washimwine mba Aye wajinga “Lukunwa wa mwanamukazhi.” Aye wajinga “awa Umo Enoka ye amwene kasa eya na biumbi jikumi bya bazhila Banji.” Aye wafwajilwe kupana lushimuno lwa Binembelo bya sapwijile Nowa, kabiji ne Enoka, kabiji ne baoloka, kuuba mba “Aye ye yewa Umo.” Bintu byonse bikiyukile Kyo!

417 Pano Aye waile mu kalunga kabafu, kabiji watambwile bakii balufu ne bakalunga kabafu kufuma kwi diabola.

418 Wabwela mu Paladise; kabiji waletete Abulahama, Izaka, ne Yakoba, ne baoloka; kabiji wasangukile (Mateyo 27), kabiji bafumine mu kilende ne kutwela mu muzhi, kabiji bamwekele ku bantu mu mukwakwa. Aleluya! Abyo byobyoyo kiji!

419 Bino, pano mubiji Wanji...Kimye mweo Wanji wajinga kukwe na kupana lushimuno ku balubilamo, akwe kasa abena kusenda bakii kufuma kwi diabola, kabiji ne kubwela na kuleta Abulahama ne Izaka; Mweo wanji wajinga walala monka mu... Mweo wanji wajinga konka kwa na kwikyuba, kabiji mubiji Wanji wajinga walala mu kilende. Ao oene mambo Yesu kyo aambijile mba... Bantu bamba mba, “Kyawama, kika Yesu kyo aambijile mba, ‘Moba Asatu, Amiwa kamusangula, moba asatu Amiwa kamusangula?’ Aye—Aye wafwile pa Kitanu mabaanga, wasangukile pa Mulungu lukeelo.”

420 Pano monai, kyajingatu monka “*mukachi* ka moba asatu,” inge mwakonsha kutola lexicon. Mambo Aye wayukile mba

David, kupichila mu kushingwa kwa manyi (kwa kushingwa kwa manyi kwa Mupashi Wazhila), waambile mba, “Amiwa kechi kaleka Awa Wazhila Wami akamone bubole ne.” Aye wayukile mba akya kyatajile kwi Aye. Aye wayukile mba akya kyalumbulwile Aye. Aye wajinga Yewa Wazhila wakwa Lesa, kabiji Aye wayukile mba bubole bwikalako mu maawala sebetetu. Pantu pamo moka mu moba asatu, Aye wafuminengamo, mambo Binembelo kechi byakonsha kuzhilululwa ne.

⁴²¹ Kabiji mulaye yense uji Momwa watala kwi amiwa ne kwi anweba, ke wetu!

⁴²² Aye waambile mba, “Anweba monauna yuwe mubiji, kabiji Amiwa kumusungula mu moba asatu.” Mambo Aye waambile mba, “Amiwa kechi kaleka mweo Wami mu kalunga kabafu ne, nangwa Amiwa kechi nkaleka Umo Wazhila Wami akamone bubole ne.”

⁴²³ Aye wayukile, mu moba asatu awa mubiji ukafumamo momwa. Aye kechi waikela moba asatu afikilamo ne. Ine, mwane, Aye kine kechi wikyubile ne. Aye waikemo kufuma pa Kitanu mabaanga poso kufika pa Mulungu lukeelo, kafwako nangwa seo umo wa yewa mubiji wafwainwa kubola ne.

⁴²⁴ Kabiji Aye wafwile, ne kumukanga, kabiji walajile... nangwa kupombwa mu kisapi, ne kulala mu kimbo. Mu kyokya kyakaba, kyaalo kya bisensa, kisendatu ma awala acheche Aye kutatula kubola. Anweba mwatatula kubo... kubola, mwayukatu, mubiji wanji, moona wanji utatula kutwela mukachi ne bintu, kubola kutatula kwiya; akwa kukaba, kyaalo kya kinyazhi. Kabiji wafwajilwe kutatula kubola, mambo wajinga mubiji. Bino Aye wayukile, awa seo kasa akyangye kubola, amba Lesa waambile kupichila mwi David ngauzhi, “Amiwa kechi kaleka Awa Wazhila Wami akamone bubole ne.”

⁴²⁵ Byo Atolele Kyambo kya Lesa ne kwikala Nakyo! Pano, muyonseya milaye iji momwa yatala kwi Aye, Lesa wafikizhe uji yense wa muyoya. Kabiji yense mulaye watala ku waitabila, Lesa ukafikizha mulaye uji Yense. Amena. Shinikishaitu mba Akye kya Bukine. Amena. Nanchi, mweo Wanji. . .

Bushe mwalanguluka mba byo kiji. . .Ine, Amiwa ndekelaiko mambo. Kwepi kwajinga Mupashi wa Yesu mu moba asatu mubiji Wanji byo ajinga mu kilende?

⁴²⁶ Mupashi Wanji wajinga mu kalunga kabafu, monka mu bibese bya mushi ya ntanda; kabiji Aye wasangukile. Kabiji Nakonsha kubikapo icheche—icheche ng’ambilo yakonsha kwimukwasha pabaya bingi. Kimye Aye kyo asangukile, Yanji. . . Kimye kyo asangukile kubafwa, Aye kechi wapwishishe mwingilo wabukuzhi ne. Abyo ibyo. Aye wafwajilwe kutokeshwa bintu byonse. Malipilo alipijilwe, pakuuba awa moyo wa kalunga kabafu, moyo wa kilende. . . Kabiji pano, kimye Aye—kyo Afwile, Aye wailetu palutwe. Aye kechi walekele kwingila

kimye kyo Afwile ne, Aye watwajijiletu na kusapwila!...?...
Ndekelaiko mambo na mambo angubilo yami yatama,
Naketekela, bino Aye kechi walekele ne!

⁴²⁷ Obewa kechi ukaleka ne! Mubiji obe wafwainwa
kukokolokako pa kimye kicheche, bino Lesa ukamusangula,
Aye walaile mba Ukeyyuba. Bino obewa kechi wakonsha
konaika ne monka Lesa mo akonsha kubula konaikila. Abyo
ibyoy. Talai, Yanji...panyuma Yakufwa, ku kika...wafwile ku
banababwanga. Aye walajile, abyoy byo Ajinga. Bamubikile Aye
na kulala; nobe byonka byo Aambile pe Lazalaza, “Amiwa
nsakuya na ku mubusha.” Lesa wa Mubushishe.

⁴²⁸ Talai, Aye waile konka, Aye watwajijiletu nakusapwila.
Kabiji Aye wasapwijile ku myeo iji mu kaleya. Waile monka
mu kalunga kabafu, watambwile bakii kufuma kwi diabola.
Wabwela na kusapwila jibiji mu Paladise, kabiji ne kusanguka
jibiji pa juba ja busatu. Waikele na batumwa Banji pa moba
foote, kabiji pa jakupelako jabu foote, Aye waile mwiulu;
mambo, bintu byonse bije pe atweba, bya kuketekela mumipashi
ne bintutu bikwabo...Aye wachibile byonse byaluketekelo
mu mipashi, luzhinauko lonse, kabiji walengele mulaini wa
milombelo kufuma pantanda kuya mu Lukumo pa kimye Kyanji
kyakuya mwiulu. Waile mwiulu na kwikala ku kilujo kya
Bukata Bwanji. Wakushinda! Aye Kashinde Mukatampe, kine.
Lufu kechi lwakonsheshe kumukwachijila Aye ne! Kalunga
kabafu kechi kakonsheshe kumukwachijila Aye ne! Ntanda
kechi yakonsheshe kumukwachijila Aye ne!

⁴²⁹ Byo Ajinga pano pantanda, Aye wapewe...Aye waile ku
muzhi wapanshi yantanda kabiji ne ku bantu ba panshi
yantanda, kabiji wampewe jizhina jakepesha bingi. Abyo muntu
byo aubile kwi Aye. Aye waile ku Yeliko, muzhi uji panshi
peene. Awa mwanamulume wakepesha bingi wakajijile ku
kichi pakuuba mba amumone Aye panshi. Apo ipo muntu
po Amubikile. Aye wajinga mwanamulume wakovwa-maulu,
kinto yakila mu kutama yabula kufwainwa kupewa ku muntu.
Aye waikele wabweleshatu panshi peene. Kabiji Aye watelelwe
na jizhina japanshi peene jo bakonsha kupana, *Bezezebabuba*,
“mfumu wa bademona.” Bantu bamupele jizhina ja panshi
peene, kifulo kya panshi peene, kabiji ba Mutumine mu byaalo
byapanshi peene bya kalunga kabafu.

⁴³⁰ Lesa wamusangwile Aye ne kumutuma Aye mu Meulu
Mwalepesha, kabiji ne Jizhina jakila mazhina onse. Aleluya!
Kika, Aye watajile peulu pakuuba mba amone Mwiulu. Jitanda
Jenu jasutulwa kukila meulu a Mwiulu. Kabiji ne Jizhina
jabaisha jatelwa Mwiulu ne pantanda jajinga...ja mupombwa
Aye. Abyo Lesa byobyoy aubile kwi Aye. Muntu wamubikile Aye
panshi peene, kabiji Lesa wamubikile Aye Peulu peene. Abyo Aye
byo ajinga, kufuma ku wapeleshakotu panshi, kuya Peulu peene.

⁴³¹ Aye waiketele panshi peene pakuuba mba Aye etusutwile Peulu peene. Aye waiketele atweba, pakuua mba kupichila mu lusa Lwanji twikale Aye, baana bakwa Lesa. Ako iko Aye ko ayile. Amena! Peshai Jizhina Janji. Aye walengele jishinda jo twafwainwa kwishilamo, ne atweba, juba jimo, “Mambo Amiwa njina bumi, ne anweba muji na bumi.”

⁴³² Oo, kechi kyakukumya ne. . . Inge muntu wamona kyokya kimwesho, kechi pajipo muntu nangwa umo wakonsha kwikilondolola ne. Ba eseka kwikilondolola, milamguluko yabo yalubakenamontu; awe lwimbo mukatampe: “Oo, butemwe bwa Lesa, byo bwanema ne kutoka! Bubula kupimwa ne kukosa!” Awa veeleshi wapelako. . . nangwa Naketekela veeleshi mutanshi, byo aji: “Inge twakonsha kuyuzha kalunga kameema na inki, Ne jiulu jalengwa na kya kunembapo; . . .” Mwayuka kwatainwe kyokyo? Kyanembelwe pa mukonye. . . pakibumba kya nzubo yo balaminamo bakonye. Kafwako muntu nangwa umo wakonsha kulondolola abwa Butemwe bwa Lesa ne. Oo, kechi bwakonsha kwibulondolola ne, Aye byo etubijile atweba. Ami, mwakonsha kufumyako byepi bumo buwame papo? Ke bupe Bwanji, kufuma ku ntendekelo kufika ne ku mpelo. Amiwa najinga walubilamo, wabula nangwa kimo ne, kabiji wabula bukwasho, kafwako kyawama ne, kafwako nangwa kimo kijipo pa kikye ne, kabiji Aye konka ku lusa Lwanji waishile na kwitupulusha. Oo, ami. Ao ye Wanji. . . Awa ye Nkambo yami. Abwa bo butemwe Bwanji, abo bo buwame Bwanji.

⁴³³ Pano tuji na peepi nobe mamineti sebeni kabiji pepi nobe mepuzho fifitiini kabiji. . .

62. Bushe mwalanguluka mba kijitu bulongo banabakazhi kwingila mwingilo wabo pangye ya kipwilo nyi?

⁴³⁴ Ee. Ajo ke jipuzhotu, ke. . . kechi jipuzho ja mu binembelo ne, bino. . . Kyakine, Amiwa nguba. Ee, mwane, atweba bonse twi bamingilo pamo. Banabakazhi baji na bifulo byabo, kabiji kyakine byo booba. Ee, mwane. Ubaitu mwingilo yense ye mwakonsha kuuba, kabiji Lesa ukemupesha pa kikye.

Kijitu bulongo, pano twayai tumone:

63. Nasashijila londololai pa balesa basatu mu umo. Pano nga Mwaana wakonsha kwikala byepi ku kuboko kwa kilujo kya Shanji, nakusashijila ku ba. . . ku ba Shanji, inge kechi baji bantu babiji ne?

⁴³⁵ Kyawama, mulunda mutemwe, alo ke. . . alo—alo ke lumwekesho. Inge Yesu waambile mba, “Amiwa ne Ba Taata twi Umo,” nanchi bakonsha kwikala byepi babiji? Mwamona? Bino, kechi baji babiji ne.

⁴³⁶ Mwanamukazhi kimye kimo waambile kwi amiwa, kabiji Nalondolwelenga kyokyo, waambile mba, “Obewa na bakazhi bobo muji—muji babiji, nangwa byonkabyo anweba mwi umo.”

437 Naambile mba, “Bino, Lesa ne Mwaana kyapusanako na kyokya, mwamona.” Naambile mba, “Mwamona amiwa?”

“Ee.”

“Bushe ubena kumona bakazhi bami nyi?”

“Ine.”

438 Naambile mba, “Nanchi, Taata ne Mwaana byapusanako; Yesu waambile mba, ‘Umwwe mwamona Amiwa, mwamona ba Taata.’” Mwamona?

439 Aye Taata ne Mwaana...Aye Taata wajinga Yehoba Wabulume bonse (Lesa) waikela mu tabbanako watelwa mba Yesu Kilishitu, awo wajinga Mwaana washingwa manyi wa Lesa. Yesu wajinga Muntu, Lesa ye Mupashi. Kabiji kafwako muntu nangwa umu wamwenepo Lesa pa kimye kiji kyonse ne, kana yeka umu wasemwa *kwi* Shanji ye Wamusolola. Aye wajinga... Aye... Bumuntu bwanji, buntu Bwanji, Bulesa Bwanji, byonse byo Ajinga, Aye wajinga Lesa! Aye kechi wajinga mushi nangwa kintu kimo kyakilapo pe Lesa ne. Nangwa byonkabyo, Aye wajinga Muntu. Aye wajinga Muntu, nzubo Lesa yo aikelemo. Abyo ibyo, Aye wajinga kifulo kya kwikalamo Lesa.

440 Pano, inge mubena kukeba Binembelo bimo pa kyokyo: Mulongo Neville, inge mwakonsha nkumwenako Mako Wazhila 14:62. Kabiji Nyenga Wood, mwenaiko Efisesa 1:20. Muntu mukwabo uji na Baibolo? Kyawama, sutula kuboko kobe. Nyenga Arnold, uji na umu koko kunyuma? Kijitu bulongo, mwenaiko Byubilo 7:55. Kijitu bulongo. Mako 14:62, Mulongo Neville; ne Nyenga Wood uji na Efisesa 1:20; Byubilo 7:5, Nyenga Arnold.

441 Kijitu bulongo, uji napo, Mulongo Neville? Kijitu bulongo, tangai pano. [Mulongo Neville watanga Kinembelo—Waku.]

[*Kabiji Yesu waambile mba, Amiwa njipo: kabiji anweba mukamona Mwaana muntu sa aikala ku kilujo kya bulume, kasa eya mu makumbi a mwiulu.*]

442 Kijitu bulongo, pano, monai pa mukuku mutanshi wa byambo popa, Yesu waambile mba, “AMIWA NJIPO.”

443 “AMIWA NJIPO.” Wajinga ng’anyi AMIWA NJIPO? Kechi kwakikalapo muntu panopantanda wakonsha Kwikilumbulula ne. Nanchi ne... anweba mutanga lexicons ne bikwabotu, kechi kwakikalapo muntu wakonsha kuyuka mo kyaila... Ke J-v-h-u. Kabiji ne bafundatu masukuulu ba Kihebelu kechi bakonsheshe Kwikitongola ne. Akya kipupu kyatemenenga kokwa, aja juba kimye Aye kyo akumenye Mosesa, Wajinga J-v-h-u. Nanchi be Kitongwelenge mba “J-o-h, Yehoba,” bino kechi Kyajinga “Yehoba.” J-v-h-u, monai, kafwako nangwa umu wayuka ne.

444 Kabiji mwaamba mba, “Kyawama, Mosesa kechi wakonsheshe Kwikiyuka ne.”

445 Aye waambile mba, “Nakonsha kwamba mba Yenu bang’anyi?”

446 Aye waambile mba, “Amba, ‘AMIWA NJIPO’ nakutuma. AMIWA NJIPO.”

447 Pano monai, *AMIWA NJIPO* ke kintu kijipo, kechi “Amiwa najingako” nangwa “Amiwa nkekalako,” AMIWA NJIPO. Bino, Aye waambile mba, “Akye kikekala ke kivuluko kya mubisemi byenu byonse: AMIWA NJIPO.”

448 Pano talai pe Yesu kasa aimana papo pa kijilo mujoja juba. Abo baambile mba, “Twayuka pano mba obewa walubakana.” Byambo byaitabilwa, “Obewa wi wakonya.” (*Wakonya* ke “walubakana.”) “Atweba twayuka mba wakonya. Obewa wi mwina Samaliya, obewa uji na diabola.” (Yoano Wazhila, *kyapitala kya bu 6*) Kabiji aye waambile mba, “Pano, waamba mba obewa wi . . . wamwene Abulahama, kabiji obewa kechi wi muntu wakila pa myaka fifite ne?” (Wafwaijlwe kumweka nobe wakila pa myaka Yanji, bino Aye wajingatu sate, pakuuba mingilo Yanji.) Waambile mba, “Mwatazha mukuuba mba wi muntu wakila pa myaka fifite, kabiji ke wambe mba ‘wamwene Abulahama’? Atweba twayuka mba obewa wakonya.” Mwamona?

Aye waambile mba, “Kasa akyangye kwikalako Abulahama, AMIWA NJIPO.”

449 “AMIWA NJIPO,” Aye wajinga mukatampe AMIWA NJIPO. Apo Aye ubena kwambila babo ba Yudeya jibiji, monai, “AMIWA NJIPO! Kabiji inge mwamona Ami kasa mbena kwiya ku kuboko kwa kilujo kya bulume . . .” Abo ibyo nyi?

450 Tangai kyokyo jibiji, mulongo. [Mulongo Neville watanga Kinembelo—Waku.]

[. . . kabiji mukamona Mwaana muntu sa aikala ku kilujo kya bulume, saka eya mu makumbi a mwiulu.]

451 Tangai wenu pano, Nyenga Wood. [Kafwapo kiji pa tepu ne. Nyenga Wood waamba mba, “Efisesa 1:20?”—Waku.] Ee, maama. [Nyenga Wood watanga Kinembelo.]

[Bo aingijilenga mwi Kilishitu, byo amusangwile mubafu, ne kumwikazha konka ku kuboko kwanji kwa kilujo mu mampuzha a mwiulu.]

452 Kijitu bulongo, tangai wenu, nyenga. Monai, Kijitu pamo. [Nyenga Arnold watanga Byubilo 7:5—Waku.]

[Bino aye, byo ayujile na Mupashi Wazhila, watajijishe mwiulu, kabiji wamwene lukumo lwa Lesa, ne Yesu kasa aimana ku kilujo kya Lesa,]

453 Pano, mwamona, Ye . . . Lesa kechi wakonsha kwikala na kuboko kukatampe kwa kilujo ne, monai, kabiji Yesu waimene ku kuboko Kwanji kwa kilujo. Akwa *kuboko kwa*

kilujo kyalumbulula mba “ke luusa.” Mwamona? Nobe kyakumwenako, inge—inge Najinga na luusa lwa pa kipwilo, nangwa Najinga bishopu wa mu musango umo, kabiji Mulongo Neville wasendele kifulo kyami, aye wafwainwa kwikala kuboko kwami kwa kilujo. Monai, akyo kyalumbulula mba aye uji . . . aye ukekala ku kuboko kwami kwa kilujo.

⁴⁵⁴ Bino, Yesu uji ku kuboko kwa kilujo kwa Bulume. Pano, Aye waamba byo byo, mumwe mu Efisesa, byo abena kwikilondolola, Aye uji ku kuboko kwa kilujo kwa Bulume. “Bulume bonse bwa Mwiulu ne panshi” (Aye waambile, panyuma ya lusanguko Lwanji) “bwapewa mu maboko Ami. Amiwa njina bulume bonse bwa Mwiulu ne panshi. Okao mambo yainga nakwibasambisha ba mu mikoka yonse ya bantu, ne kwibabatizha mu Jizhina ja Taata, ne Mwaana, Mupashi Wazhila, ne kwibafunjisha balamenga byonse byo Nemukambizhe; talai, Amiwa nji nenu moba onse, ne kufika ku juba jikapelako.”

⁴⁵⁵ “Bulume bonse bwa Mwiulu ne panshi.” Kwepi ko . . . Inge kuji lesa mukwabo kookwa kulubaji Lwanji, aye bulume ufwabo. Monai, kechi kwakonsha kwikala Lesa mukwabo ne. “Bulume bonse bwa Mwiulu ne panshi” buji mu kuboko Kwanji. Nanchi, mwamona, “Aye waimana ku kuboko kwa kilujo,” (nobe muntu waipuzha jipuzho), kechi kyalumbulula mba . . .

⁴⁵⁶ Pano talai, aye mubiji . . . Lesa ke Mupashi. Ee, baanga baumvwa kyokyo? Ambai mba, “Amena.” Lesa ye Mupashi, Yesu ke Muntu, kabiji Yesu wajinga Lesa mu mubiji. Yesu wajinga . . . Atweba kechi twakonsha kumona Lesa ne, monai, Aye ke Mupashi. Obewa kechi wakonsha kumona mupashi ne. “Kafwako muntu nangwa umo wamwenepo Lesa ne.” Kafwako muntu wakonsha kumona Lesa ne.

⁴⁵⁷ Kabiji lekai ng’ambe kikye, “Anweba kechi mwamonapo kala ne.” Anweba kechi mwamonapo amiwa mu bumi bwenu bonse ne, kabiji kechi mukamonapo ne. Abyo ibyo. Anweba mumonako yuwe mubiji usolola yuwe muntu, uji mumwe. Pano, awe mubiji kechi uji na Bumi Bwapeenape ne, pakuuba mupashi uji na Bumi Bwapeenape. Awe mubiji ukabwela, bino ukeya jibiji mu kipasha kyakyo, pamo nobe jipeke ja wichi byo jitwela mu mushiji. Bwinakilishitu bwaimena pa lusanguko, kechi kubwezhapo ne. Lusanguko; Yesu yenka waile panshi, Yesu yenka wabwelele. Inge waya panshi na mutwe-wachila, ukabwela na mutwe-wachila; inge waya panshi na mutwe-ufita, obewa ukasanguka na mutwe-ufita. Monai, ke lusanguko.

⁴⁵⁸ Inge waya na kuja . . . Naipwizhe dokotala mba, kechi papita kimye kyabaya ne, Naambile mba, “Kika mu kimye kyo Najinga na myaka sikisitiini . . . Kimye kyonse kyo Najanga, Nabwezhangamo bumi bwami?”

⁴⁵⁹ Waambile mba, “Abyo ibyo.”

460 Obewa wikala na apya—apya maseozi kimye kyonse kyo walenga...aye—aye mubiji ulenga...nangwa kajo kalenga maseozi mu mashi, kabiji awa seo ukulengela kwikala wakosa bingi. Abyo byo wikala na bumi. Nanchi, kintu kimo kyafwainwa kufwa kimye kyonse, pakuuba mba wikale na bumi. Pajuba pajuba, kintu kimo kifwa: inge waja nyama, ng’ombe wafwile; nangwa kiji kyonse kyo wakonsha kuja; kabiji ne jisabi jafwijile; nangwa aye—aye wichi wafwile, pakulengamo shinkwa; lutamba wafwile, ao walengele lutamba; kabiji aye. . . musango yense wa bumi; wakonsha kwikala na bumi kupichila mu kintu kyafwa.

461 Kabiji wakonsha kwikala na bumi Peenape mambo kintu kimo kyafwile: Yesu. Kechi na mambo a kuuba mba winungileko ku kipwilo ne, kechi mambo akuuba mba wabatizhiwe ne, kechi mambo a kuuba mba mwaamba mba mwi Benakilishitu ne; mambo obewa watambwile Bumi bwa Yesu Kilishitu abo bwasmusine. . .Mashi ainchikijilwe obewa, kabiji wamutambwile Aye nobe Mupulushi obe.

462 Pano, monai, Naipuzha kikye. Nasaka ku kwipuzha *kikye* obewa. Talai pa kikye, ke kintu kyawama. Kapepo Nafunjishapo kala (Amiwa kechi nayuka ne) kuno; na kusapwila konse konse, walubamo byo waambwa pa kimo. . .mampuzha akwabo. Bino, kika byobyoy, nanchi. . .

463 Bino, Nalanguluka mba, Nyenga Smith. . .Amiwa kechi nayuka ne kana Nayukile Mulongo Fleeman kunyuma kwine nangwa ine. Kabiji Tryphena, Namuvuluka kimye kyo ajinga nsongwakazhi muheche. Wavuluka amiwa, byo Naubanga. . . wajinga muheche, mwipi, wabaya mubiji; ifita, suki ipomba. Amiwa naubanga kisela kya makofi. Oo, Nalangulukile mba Amiwa ne muntu sendwe pantanda. “Oo,” Nalangulukile mba, “kechi kujipo muntu wakonsha kupuma ne. Ine, mwane.” Bino Na—Nabujilwe maana pa kyokyo, mwamona. Bino Na. . . Pano, Nalangulukile mba, “Oo, ami.” Nalangulukile mba, “Inge wakonsha kubika kikye kintu pa nyuma yami, Nakonsha kwenda mu mukwakwa nakyo.” Kine, kafwako nangwa kimo kyakukatazha ne. Kabiji kimye kyonse Kyoja, Amiwa ngikala wabaya kabiji wakosa kimye kyonse. Kimye kyonse Nakonsha kubikamo bumi bupya mu. . .Najile kabiki, tamba, ne nkunde, ne nyama, nobe byonka byo Nguba leelo. Kabiji Amiwa naikele wakonsa bingi ne kubaya kimye kyonse. Kabiji byo Nafikile pepi nobe tweti—faivi. . .

464 Amiwa nja bulongo kukila byo Naubilenga kyokya kimye, anweba bonse mwangyuka, yukai amba. Nakonsha kuja bulongo pano, atweba bonse byo tuji. Bino kika kyo kyaikela byobyoy, Mulongo Eagen, nanchi, inge Amiwa mbena ku kija kajo kawama, kavujilako, mavitameni awama ne bikwabotu. . . Kabiji monka Mojila byavula, Amiwa ngya na kukepelakotu bitende bitende. Kabiji pano Amiwa kwiya ke muntu mukote waponamapuzhi, wakipala, ne kwaluluka yatokoloka, kabiji ne

maboko auba mikafi mikafi, kilungi kya pulumuka, bipuzhi kasa bibena kuya panshi, lukeelo kikala kintu kyakosa bingi pakuuba mba ubuke, kabiji. . . Oo, ami. Kika kyo kyaikela byobyoy? Inge Nakonsha kubwezha bumi bwami kimye kyonse Kyo Mbena kuja, kika nanchi kyo kyaikela byobyoy?

⁴⁶⁵ Inge Amiwa mbena kwitulula meema kufuma mu kikatampe kuya mu galasi, kabiji kyafika pakachi kuyula, kabiji kyatatula kuya panshi kimye kyonse mu kifulo kya kuyula; kabiji monka mo Mbena kwitulwila, ne kupopomokela panshi lubilo. Abyo byo kiji. Kabiji kuuba wikishiniikisha mwaila sayaasi ne inge wakeba kuuba byobyoy. Awe Buuku ye yenkatu wakushiniikishako mba Lesa watongola; ke kintu kyatongolwa, Lesa witumwene kasa twiya.

⁴⁶⁶ Anweba banabalume bakote, ne banabakazhi bakote, kapepo anweba bamo benu—benu balume kabiji ne bakazhi benu baya kala, akyo kechi—akyo kechi kikatanzhapo nangwa kintu kiji kyonse ne. Aleluya! Abo bajitu kubushiya bwa kipembe, na kupembelela, kyakine, kabiji babena kukebesha kwikala ne anweba jibiji. Abyo ibyo, kyakine, byo baji. Babena kukebesha kwikala pamo ne jikwabo. Aye Baibolo waamba mba byo baji, myeo iji mushi ya kitapisho ibena kujila mba, “Nkambo, kwashala bimye binga?” Mwamona? Kechi baji mu musango wabo wawama ne.

⁴⁶⁷ Lesa kechi witulengele atweba kwikala Bamalaika ne, Aye witulengele atweba banabalume ne banabakazhi. Atweba kimye kyonse tukekala banabalume ne banabakazhi, mambo atweba twi—twi kintu kyafuma maana a Lesa Mwine. Atweba twakonsha kwikala banabalume ne banabakazhi kimye kyonse.

⁴⁶⁸ Pano kyuba byepi? Monai, kapepo mwalanguluka mba byo mwaendele kuya ku kitapisho, obewa ne ye uji nanji mu masangola, ne kwamba mba twisenda atweba bene na bene kwikala mukazhi waitabilwa pamo mu masongola azhila, kabiji ne lusa lwakwa Lesa ne bitutu bikwabo, kabiji ne lushimuno lonse lo upana, kabiji ne kulaya ko walaile. Kintu kitanshi mwayukatu, utatula kumona, anweba bonse babiji. Aye wajingatu bulongo, kabiji suki ya lezhima; kabiji maama ne kulamba kwanji, meso acheche achiluluka, nangwa meso afituluka, nangwa byonse byo aji. Oo, ne byo watajilenga pe aye. Wa endele kulupuka, watajile kwi bataata, “Pano, bipuzhi bya oloka bulongo lunyuma”; kabiji pakupitapo kimye byatatula kupona. Bamaama bakekala na mutwe-watokoloka, kuvimba mauulu kwaiya ne bikwabotu. Kabiji pakupitapo kimye, aye waya byonkabya, nangwa aye waya.

⁴⁶⁹ Kyajinga kika? Kimye Lesa kyo akumwene kasa waimana byobyoy, Aye waambile mba, “Abyo byokiji, abyoy byo Nakukeba obewa. Kijitu bulongo. Lufu, wakonsha kwiya, bino kechi wakonsha kusenda ne poso Nakuswisha.”

⁴⁷⁰ Oo, oo, Nalanguluka pe Yoba. Ee, Lesa watajilenga panshi, Yoba wayukile mba Lesa wamutemenwe. (Kabiji monai kechi wakonsha kukusenda ne.) Aye waambile mba, “Uji nanji mu maboko obe, bino kechi wakonsha kusenda bumi bwanji ne.”

⁴⁷¹ Kabiji kintu kitanshi mwayukatu, mapuzhi atatula ku mpulumuka, kabiji pakupitapo kimye kicheche nishi waya. Kika kyamwekele?

⁴⁷² Bino, mu lusanguko kechi mukekalapo kintu nangwa kimo kyatala ku lufu ne. Kechi kwakonsha kwikalapo kintu kimo kyatala ku bya pantanda ne, kya bika. . . Monai, obewa waishilenga kupichila mu kyaswa muchima wakwa Lesa, wajinga na bumi. Nanchi lufu lwatwelamo, lwakutwala panshi. Kuja kajo kantu kamo ne bintu byonse, ne kutoma meema a musango umotu, bintu byonse; nangwa byonkabyo lufu lutwelamo. Pakuuba kipikichala kyaikala kala. Alaluya! Mu lusanguko obewa ukekala bumi jibiji. kabiji kechi kukekala lufu ne, nangwa kimo kyapashako lufu, nangwa bukote, nangwa bilema nangwa kintu kiji kyonse ne. Ubula kufwa, tukakonsha kwimana mu kipasha Kyanji, walumbululwa myaka yonse. Alaluya. Oo, Ami. . . Akyo kyakonsha kulengela muntu umo kubijika, kukijishamo inge wafika mu myaka yami.

⁴⁷³ Myaka yami iji, Naketekela mba, inge obewa, wikilanguluka, kukila ne pakala. Obewa ukijitu pa kyokya kipimo kya kupipulwa, mwamona. Aye. . . Obewa utatule kukumya, “Kiji mu ng’anyi musango? Kika kyo Nauba?” Amiwa tala kunyuma kuno, Nalanguluka, “Bwami, buwame! Kyawama, kwepi ko kyaya, Nkambo? Amiwa Nji pano, myaka foote-eiti, myaka foote-eiti, myaka ikwabo ibiji, Amiwa nkafika pa afu ya aduleendi. Yii! Amiwa jitu. . . Pano talai pa myeo icheche yo Naleta; Nasaka kuleta ma milyoni ne ma milyoni a bavula.” Lesa, nkwashai ami.

⁴⁷⁴ Amiwa ne umvwina ne bumvu pakuuba mba ngiye ku nzubo na kukokoloka. Langulukai, “Oo, kunowa kwafwenya pepi, kabiji bamingilo bakepa. Mamilyoni baji mu bubi kabiji kya buvu babena kufwa pajuba pajuba, telekai ku lwito lwabo.” Amiwa ngya nakulala bufuku ne kwibomvwa bacheche bakamulanda batushi kasa babena kubijika momwa muntanda. Byo baishilenga mu ma sauzande, na nkundondela amiwa, kabiji—kabiji byo naimene byobya pa kibaza kya ndeke pajinga bashilikale ba kwibafunga, pakuuba mba bomvwetu jishimikila ja Yesu Kilishitu.

⁴⁷⁵ Kabiji kuno twakonsha kusashijila, ne kubuulang’ana mu mapepala ne bintu byonse, kabiji ne kwibamwena mampuzha awama bingi akwikalapo, ne bya kwibasangajika na bunyimbi bwawama, abo bakeya kabiji, “Aaah! Kyawama, Naketekela mba akya kyajingatu bulongo, nangwa kechi baji ku lubaji lwa lwitabilo lwami ne.”

476 Oo, ami, bya—bya—byakonsha kwikala bimye binga? Kechi kiji. . . kechi kiji bulongo ne. Kabiji kuno tubena kutaya mu bimbotela ma aduleendi milyoni a mantani a kajo, kabiji aba bantu bafwainwa kwibitambula na lusekelo. Kabiji ne abo ke bilengwa bya pantanda byonka byotuji ne atweba. Ami, atweba. . . Kyawama, akyo kechi kyakonsha kwingila pa kimye kyabaya ne.

477 Kijitu bulongo, pano, Ng’anyi ye Shanji? Aye Taata ne Mwaana ke Umo. Talai, mu Yoano Mutanshi 5:7, Kyaamba mba, “Kuji basatu bapana bukamonyi Mwiulu, aye Taata, Kyambo (awo ye Mwaana). . . Taata, Mwaana, ne Mupashi Wazhila: abo basatu ke Umo.”

478 “Kuji bisatu bipana lushimuno pa ntanda, ao o meema, mashi, ne Mupashi.” Abyo byo bintu bisatu byafumine mu mubiji wa Kilishitu. Abo baanshile kulubaji Lwanji: meema alupukile, Mashi alupukile, “Mu maboko Enu Monapana Mupashi Wami.” Abyo byokiji, abyo byo bintu bisatu. Abye bisatu kechi biji kimo ne, bino *bitabazhanya* mu bu umo.

479 Taata, Mwaana, ne Mupashi Wazhila; Yoano Mutanshi 5:7, waamba mba, “Abo basatu *ke* Umo.”

480 “Meema, mashi, ne Mupashi *bitabazhanya* mu bu umo.” Kechi Kimo ne, bino bya *itabazhanya* mu bu umo. Nanchi aye Taata. . . Kabiji kintutu kimo kyoakonsha kuuba mubiji, inge Lesa wakonsha kwimona Ayemwine, amba kupichila mu kumanyikwa kwa yuwe mubiji byo apichilemo, apo po byasambakena. . . byasambakena ponkapo, mwamona. Apa ipo Aye po amona aa Mashi saka aimana pakachi Kanji ne bunchibishi bwamambo. Akye kyo Kyambo Kyanji, kyaambile mba, “Aja juba jo ukajako, jo juba jo ukafwa.” Kabiji papo Yesu waambile mba, “Ami. . . Bino Natolele kifulo kyabo. Monai, Natolele bifulo byabo.”

481 Vulukai jishimikila jami bufuku bukwabo byo Namwene kimwesho kya mwanamukazhi watama bingi wajinga mu kibamba moomwa? Kabiji Amiwa na muzhachishenga, ne kwamba mba, “Lesi, kika kyo mwabujila kwikyonauna kifulo?” Apo Aye po amwesheshe *amiwa*, mwamona. Kabiji Naile kwi aye ne kubuula byamwekele.

Pano, aje jo jipuzho jami jakupelako.

64. Bushe mwalanguluka mba, monka mwaila Binembelo, amba ba Yudeya bakekala. . . baketabila Kilishitu Lapicha wa Kipwilo kasa akyangye kubiwa?

482 Na—Na—Naketekela mba Lapicha ya Kipwilo. . . Aye ke milanguluko yami, monai. Kabiji inge twajinga na kimye, twakonsha kupitamo, bino kya—kyapitaila pa naini pano. Talai, Naketekela mba ba Yudeya bakatambula Kilishitu pa Kwiya Kwanji kwa bubiji. Pano vulukai, pakuuba mba muntu wakonsha kuyuka kikyee, meso etu ampofukile, nangwa, meso

abo apofwelwe pakuuba mba tutambule meso etu. Muntu yense wayuka, Binembelo byaamba pa kyokyo. Abyo ibyo nyi? Paulo witubuula kyokyo...amba twapofwelwe meso...amba ba Yudeya bapofwelwe meso pakuuba mba atweba tutambule Kilishitu. Mwamona? kabiji atweba twi kichi kya ma olivi kya mungye kya somekewamo kupichila mu kwalulwa bubaana mu kyokya kichi.

⁴⁸³ Pano po paji milanguluko yami, Amiwa nsakwimupatu... Bangimpuzha mba, “Mwalanguluka mba...?” Bino mumwe mo mu jishinda mo Nalangulukila mba mo kikobiwa. Amiwa kechi nayuka ne. Nangwatu kikale kika, Amiwa naketekela kyokyo ku bupe bwa Lesa ne lusa Lwanji, tukekala konka; monai, konka ku bupe Bwanji, monse mo kyaikela. Amiwa kechi nakonsha kwikimona bulongo ne, bino kino kyo Nalanguluka. Naketekela mba tuji mu kimye kya kumpelo. Naketekela mba nkulo ya ba Gentila ibena kupwa ponka pano. Naketekela mba tuji peepi pepi.

⁴⁸⁴ Kabiji pano Bayudeya; kuji bintu bibiji abyo kimye kyonse bilubakanya Bayudeya: Bajinga bampofu, abo kechi bekimwene ne; kabiji na mambo a ba Ngentila, pa kintu kimo, bimye byavula...

⁴⁸⁵ Amiwa nesambilenga na Muyudeya pa Benton Harbor, Nyenga Smith, kabiji mwayuka byo aambile kwi amiwa? Akwa mu bimo bya bena Isalela...mampuzha abena Isalela kokwa. Aje jipuzho mambo a lubuko lwa mwanamulume mpofu. Kabiji aye waambile mba, “Kuba mwachibaula Bayudeya mu...Kuba mwachibaula Lesa mubipiimvwa bisatu ne Kumupana ku mu Yudeya ne; kumubika Aye ke Taata, Mwaana, ne Mupashi Wazhila.” Waambile mba, “Kuuba mwauba kyokyo ku ba Yudeya ne, atweba kechi tupopwela bakishi ne.” Waambile mba, “Twaketekela *mwi* Lesa umo.” Mwamona?

⁴⁸⁶ Kabiji mwaya na kulengela Lesa ke basatu: Lesa Taata, Lesa Mwaana, ne Lesa Mupashi Wazhila; apo ponka mwamupofula mu Yudeya, mambo aye wayuka bulongo. Aye wayuka bulongo kupila pa kyokyo. Akyo kyakonsha kukulenga kwikala upopwela tulubi monka mwaikelako kupopwela bakishi, uji na balesa basatu. Mwafwainwa kumulenga waikala Lesa umotu, akyo kechi balesa basatu ne, ke maofweshi asatu akwa Lesa umo. Monai, Lesa waingijile mu Butaata, Aye waingijile mu Bumwaana, kabiji Aye ubena kwingila mu nkulo ya Mupashi Wazhila. Ke yenkatu Lesa-umo.

⁴⁸⁷ Ao oene mambo otwa kambijizhiwe kubatizha mu Jizhina ja Taata, Mwaana, Mupashi Wazhila; mambo, kechi mujizhina ja...Mu *Jizhina*, kechi mazhina ne; kechi mu mazhina ne, nangwa mu jizhina ja Taata, mu jizhina ja Mwaana, mu jizhana ja Mupashi Wazhila; pakuuba “mu Jizhina ja Taata, Mwaana, ne Mupashi Wazhila.” Monai, ke kutuluka yenka Lesa umo kwikala

Kilishitu. Monai, ao ye Iye, kechi kyakonsha kwikala jishinda jikwabo ne. Mwamona? Kabiji Kinembelo. . .

⁴⁸⁸ Kabiji—kabiji umvwe lumwekesho lwetu lwaya mungi, nanchi Petelo ne bakwabo batumwa bafunjishenga kintu kyatama; mambo muntu yense mu Baibolo wabatizhilwe mu Jizhina ja Nkambo Yesu Kilishitu. Kafwako muntu nangwa umo wabatizhiwe mu “Taata, Mwaana, Mupashi Wazhila ne,” ke lufunjisho lwa ba Katolika. Nakonsha kwikishiniikisha kwi anweba na byambo byabo, kabiji newabo yenka lexicons ne bintu byonse. Ke lufunjisho lwa ba Katolika kabiji kechi ke—kabiji kechi lufunjisho lwa mu Baibolo ne. Kabiji kafwako muntu umo ne. . .

⁴⁸⁹ Ne Mfumu wa mu England ba mu batizhe Jizhina ja Yesu Kilishitu. Pepi nobe myaka sikisi aduleendi panyuma yakufwa mutumwa wapeleleko, kasa akyangye ne kutelwa mba England pakyokya kimye ne, watelwa mba “Angel Land.” Ako iko ko jafumine, jizhina. Aye wabatizhilwe mu Jizhina ja Yesu Kilishitu.

⁴⁹⁰ Kika kya mwalulwile, wajinga kyajinga kamimbya kakacheche. Kimye. . . Inge Nakonsha kulanguluka, kechi Wazhila Angelo ne. Jizhina janji jajinga ka, pano? Agambasa, Agambasa Wazhila, Naketekela byo kyajinga, Amiwa kechi njina luketekelo lwa jojo jizhina ne, bino. Bino, nangwa byonkabyo, waile kokwa, kabiji baji na bimo bya bibye. . .

⁴⁹¹ Bebatelele mba bamalaika mambo, aba bantu ne bena Assilia ne bakwabotu bajinga bachiluluka, kabiji baabo ma English bajinga na yalepa, itoka, suki ipomba, mitwe-yabaya, ma Anglo-Saxon, mwayukatu, meso-akifufya. Kabiji baambile mba, “Abo babena kumweka nobe ba Malaika,” kabiji nanchi bekitelele mba “Ntanda ya Malaika.”

⁴⁹² Kabiji aye—aye kalume wakwa Nkambo waile konka kwa na kusapwila ku mfumu wabo, kabiji baikajile ku mukatampe, mujilo wapangye. Amiwa natangilenga jishimikila jabo kechi papita kimye kyabaya ne. Kabiji kang’onyi kakacheche katumbukijile mu kyeya ne kufumamo kubwela kunyuma, kabiji mfumu waipwizhe jipuzho, “Kwepi ko akufumina kabiji kwepi ko aya?” Mwamona? “Aye wayishile mu kyeya, kabiji twajikumumona, kabiji wabwela mu mfishi. Bushe kechi mo mujishinda muntu jo ayamo ne?” aye byo aambile.

⁴⁹³ “Bino aye wajinga ng’anyi kasa akyangye kwiya muno ne?” waambile musapwishi, mwamona. Akya kya mukwachile mfumu; ne lukeelo lwalondejilepo, aye ne nzubo yanji ba batizhiwe mu Jizhina ja Yesu Kilishitu. Abyo ibyo.

⁴⁹⁴ Pano kika? Muntu mutanshi ao ye basashile nangwa wabatizhiwe mujishinda jikwabo mu jizhina ja “Taata, Mwaana, Mupashi Wazhila,” wajinga mu kipwilo kya Katolika. Kusasa kutanshi kwaubiwepo, kyajinga mu kipwilo kya Katolika.

Kwitulwilwa kutanshi kwa ubiwepo, kwajinga mu kipwilo kya Katolika. Akyo kipwilo kya ba Polotesitati kimye kyonse kyabatizhizhe. . . mu Baibolo, batumwa, monka mu kwibizha mu Jizhina ja Yesu Kilishitu. Konse. Tanaipo mpuzha imo wajinga na kintu kingi, mwamona.

495 Pano, mu kikye, kimye kikatampe, ba Yudeya kechi bakonsha ne. . . Amiwa naipwizhe yewa labbi, Naambile mba, “Labbi, bushe kyafwainwa kukosa obewa kwitabila bangauzhi nyi?”

496 Aye waambile mba, “Naketekela bangauzhi.”

497 Naambile mba, “Mu Isaya 9:6, walumbulwile ka, ‘Kwi atweba kwitusemenwa Mwaana?’ Ng’anyi ye a ambulengapo?”

498 Aye waambile mba, “Aye waambilenga pe Mesiyasa.”

499 Naambile mba, “Nanchi Mesiyasa ukasemekwa?”

500 “Ee, Aye ukasemwa.”

501 Naambile mba, “Nanchi inge Aye ukasemwa, Aye uji na. . . Ukekala na bainanji.”

502 “Ee, Aye wafwainwa kwikala na inanji. Kabiji Aye wafwainwa kwikala na bashanji, ne aye,” byo aambile.

503 Naambile mba, “Kinetu. Kabiji kyakonsha kukosa kwi obewa kubula kwitabila amba kechi kyakonsheka. . . amba Lesa aye Yehoba Mukatampe Awo washikwile Kalunga Kachila, kuuba wasema yuwe Mwaana kupichila mu kusemwa kwa kukumya?” Mwamona? Abyo aye byo ajinga.

504 Aye waambile mba, “Bino kuuba mwamulenga Aye kwikala balesa basatu ne.”

505 Naambile mba, “Aye kechi balesa basatu ne.” Naambile mba, “Ing’anyi bulongo bukekalapo pakachi ka Mesiyasa ne Lesa?”

506 Aye waambile mba, “Ukekala Lesa.”

507 Naambile mba, “Pano uji nakyo. Pano uji nakyo, Aye ye Lesa.” Abyo kine ibyo.

508 Pano aye waesekele nkumbuula, mba, “Kyawama, awe muntu wajinga ngivi, awe Yesu mwina Nazala. Aye wajinga ngivi.”

509 Naambile mba, “Labbi, Aye wajinga ngivi byepi?”

510 “Kyawama,” aye waambile mba, “binembelo byenu byo baamba amba ‘Aye waile mu bujimi pa juba ja Sabando, kabiji watolele ne jitaba.’”

511 Naambile mba, “Pano, labbi, wayuka bingi bulongo. . . mwaila Kinembelo kukila pa kyokyo. Binembelo byenu byaswisha kyokyo, ‘Kyaitabilwa muntu kuya na kuja mataba monse mo asakila, bino kechi wafwainwa kubika mu jisaka janji ne kusenda ne.’ Muzhilo wenu anweba bene, labbi.”

512 Kabiji waimene popa kimye kicheche, aye—aye—aye wikiketekejile, mambo aye—aye wajinga kamonyi. Aye waambile mba, pa kupitapo ka kimye, waambile mba, “Kyawama, kika—kika kyalengejile meso akwa Yoano . . .” Waambile mba, “Wikyubile byepi?”

513 Naambile mba, “Mu Jizhina ja Yesu Kilishitu.”

514 “Uu.” Aye—aye kechi wayukile ne; waambile mba, “Kyawama, kuuba wachibapo Lesa mubipimvwa bisatu ne.”

515 Naambile mba, “Aye wajinga Yehoba wasololwa mu bumuntu, Labbi. Aye . . . Abyo Aye byo Ajinga, Aye wajinga Yehoba mu mubiji wa bumuntu. Jizhina Janji ja bumuntu, aja jajinga Jizhina ja bukuzhi, mambo kafwako jizhina jikwabo japewa mushi ya Mwiulu mwakonsha kupulukilamo bantu ne, kanatu kupichila mu joja Jizhina ja bumuntu ja bukuzhi: aye Nkambo Yesu Kilishitu. Abyo ibyo. Aye wajinga Lesa, Aye ye Lesa, Aye ukekala ke Lesa myaka ne myaka, abyo kine ibyo, aye Nkambo Yesu Kilishitu.”

516 Bino, Naketekela mba kipwilo kya ba Ngentila katatakatu kikobe . . . kupwijijika kwa mubiji wa kipwilo kya Ngetila. Bizhilo bya pakachi . . . Yesu waambile mba, mu Mateyo 24, (Amiwa nsakusenda kiky Kinembelo kimo pa mineti umo), Aye waambile mba, “Bakanyataula masakwa a Yelusalema poso nkulo ya Ngetila ikapwe.”

517 Pano monai. Kyapainwe kwi Nkambo yetu Yesu, mu Mateyo 24, amba ba Yudeya bakafumishiwako ku kipikichala. Danyela waambile mba, kunyuma kokwa mu bangauzhi bakala, aye waambile mba kukekala milungu sebete yatongwelwa, ku ba Yudeya. Kabiji Mesiyasa ukeya (Mfumu) kabiji ukaula pakachi ka milungu ya bu makumi atanu na abiji, ayo yajinga myaka sebeni, kabiji Aye ukachibiwako mukachi kayo. Monai byo kyajinga kyalumbuluka, Yesu wasapwijile myaka yafikilamo isatu-na afu kabiji wapopelwe pa musalabu. Bino kuji isatu . . . Ayo ikeya nobe biji pa jije jipuzho jikwabo papo. Kuji myaka-isatu-na-afu yatongwelwa kwi abo, ku ba Yudeya. Kyafwainwa kwikala byobyoyo.

518 Pano inge mwatola Lumwekesho, kyapitala kyabu 7, Yoano wamwene ba aduleendi foote foolo sauzande ba Yudeya bonse babikilwe tutetesho, ba mu mikoka twelufu ya bena Isalela. Mwamona mo Nalumbulwila? Bino kasa kikyanyge kubiwa ne, kya bibena kwiya kulutwe.

519 Pano monai byo kyawama, pano kasa tukyangye kushika. Monai byo—byo kyenda. Pano, aba ba Yudeya babikilwe mufishi.

520 Pano, baabo ba Yudeya papo, bavula mwi abo, bajitu . . . mwayukatu byo baji, abo bakwachijila bunoshi bwa kyaalo kyonse. Kabiji bajitu—bajitu bantu bamali, kabiji byobyoyo kiji, monai; kabiji babwitote, kabiji bapusanako, kabiji kechi

batambula bukwashe ne. Bino, abo kechi bo Abena kwambapo ne, inge mwakonsha kumona.

⁵²¹ Pano, ba Ngentila... Pano monai, nangwa byonkabyo kwakishala myaka-isatu-na-afu ya baabo Bayudeya. Pano, Yesu waambile mba muzhi wa Yelusalema bakamunyataula ku ba Ngentila poso nkulo ya ba Ngetila... (Pano, anweba bantu mwabula kuketekela mu kufikila kwa bimye, pano nga kyo?)... Poso kimye kya nkulo ya ba Ngentila po ikapwa. Kabiji kimye nkulo ya ba Ngetila po ikapwa (nishi kimye kya ba Ngentila kyapwa), nanchi muzhi ukabwezhiwa jibiji ku Bayudeya. Kabiji Yesu watwajijiletu na kwamba mba akya kisemi... Waambile mba, "Inge mwalupuka pangye ne kumona kichi kya mukuyu kyatepuka, kabiji byonse bichi bikwabo ke bitepuke," waambile mba, "yukai mba mayoo kaji pepi." Waambile mba, "Byonkabyo inge mwamona bibye bintu byafikizhiwa, yukai mba kimye kyafwenya ke pepi, poka pa kibelo; kabiji kine Nemwambila namba akye kisemi kechi kikapite ne poso abye bintu byafwainwa kufikizhiwa."

⁵²² Bino, be kipembelejilenga mu kyokya kisemi, "Abyo Aye byo aambilengapo." Nangwa pachechetu ne!

⁵²³ Telekai! Aye waambile mba, "Kisemi kya kumona kichi kya mukuyu kyasapuka mabula akyo." Pano monai, Aye waambile mba, "Kinchi kya mukuyu, kabiji ne bichi bikwabo byonse." Bino, mung'ambilo ikwabo, "Kukekala kusangululwa kwa ntanda yonse pakyokya kimye." Pano monai bubwe bungauzhi, byo kyaingila ne kufikizhiwatu bulongo. Pano monai. "Byonse bichi bikwabo ke bitepuke, kusangululwa." Kichi, inge ke kisapuka mabula akyo, ke kusangululwa. Abyo ibyo nyi? Bino, muntu yense wayuka, mufunjishi wa bungauzhi, amba akya kichi kya mukuyu kimye kyonse ye Muyudeya. Twayuka kyokyo. Ke mu Yudeya. Pano aye... .

⁵²⁴ Kabiji monai Yoela, byo ekitolele, aye waambile mba, "Abya byashileko nzhiye yenda kisamba, bimbotwa byajile; byashileko bimbotwa, nzhiye ija mwalambatu myaa yajile; kabiji nzhiye ija mwalambatu myaa yajile... ." Inge mwakonsha kumona, akya ke kilongolotu kimo, kiji pa bipimo byapusanapusana: nzhiye yenda kisamba, kimbotwa, nzhiye ija mwalambatu myaa. Ke kilongolotu umo, ke bipimotu bya bumi byapusanapusana. Pano monai, akya kilongolo kimo kyatatwile kuja kichi kya Kiyudeya kunyuma kokwa, kwi kitemena panshi, kabiji kyatatwile kuja ne kuja ne kuja ne kuja poso kyafikile ne ku kishiki; nangwa byonkabyo aye waambile mba, "Amiwa kalubula byonse," byo byaamba Nkambo, 'myaka yonse yajile nzhiye. Kabiji Amiwa kalenga bantu Bami kwikala na lusekelo.'" Mwamona? Pano, kichi kyajiwa. Ba Ngentila be basokankenyemo, akyo kine. Kijitu bulongo, twafwainwa kuleta kipangwa.

⁵²⁵ Pano kimye kya kumpelo umvwe kyafika, umvwe ketufike

ku mpelo (inge Ne kimona bulongo), Mamboawama byo aji: kwafwainwa kwikala kusangululwa kukatampe ku kobiwa.

⁵²⁶ Bino, mwayuka mba mbandela ya Kiyudeya yo mbandela yabajisha pantanda nyi? Kabiji yaikala kwakubula kusebeza pa myaka tuu sauzande, kukila payoyo, pepi nobe myaka tweti-faivi aduleendi. Aya mbandela ya Kiyudeya, aya yamakoka-sikisi yakwa Davida, kechi yapepelapo pa myaka tweti-faivi aduleendi ne; kufuma ku kimye kya kutwalwa mu—mu Babilona. Kabiji pano, mambo akuuba mba Bufumu bwa Benaloma bwibashijile (kabiji Mesiyasa waishile ne abo be Kikaine), kabiji batwajilwe ku makoka ana a panopantanda. Bushe mwayuka mba, pa bu sikisi wa Ndoolo, 1946, mbandela yabwelele jibiji mu Yelusalema? Bushe mwayuka, pa busebeni Ndoolo, 1946, aye Malaika wa Nkambo wamwekele kwi amiwa (juba jalondejilepo) peulu papo, kabiji watumine mu ntanda yonse na kuleta kusangululwa? Lukeelo loka lwalondejilepo! Kimye aya mbandela yasutwilwe mu Yelusalema, pa kulemba kwa juba aa mabanga, aye Malaika wa Nkambo wamwekele muno mu United States pa kimye kimo. “Inge mwamona kichi kya mukuyu kabiji ne byonse bichi bikwabotu kebisapuke!”

⁵²⁷ Baanga bavuluka aka Kabaangabanga kasa kakobama kuno ku Mukola wa Ohio, myaka yavula kunyuma, kimye Aye kyo aambile mba... Apo paji kipikichala Kyanji papo nangwa byonkabyo, byo Aishile. Waambile mba, “Mbila Yobe ikaya kulutwe na kupembelela Kwiya kwa bubiji, nobe byonka Yoano byo atangijile palutwe na Kwiya kutanshi.” Kabiji, talai, kuzhokoloka kyaalo kyonse kusangululwa kwaya konse konse. Biumbi makumi a biumbi bya biumbi, kabiji ne kusangululwa kukatampe.

⁵²⁸ Bonse bakossha mizhilo, kabiji ne bonse bapusanapusana mwaya kyaalo, kabiji ne bipwilo bikatampe be kyambile, “Aa moba akwa Billy Sunday apita.” Bino byo bamwene kipwilo kyatapa ku sanguluka (bantu babula kuyukanyikwa), bafwaijilwe kupulusha kilungi kyabo. Charles Fuller wafwaijilwe kutola kifulo, bino wajinga wakoma bingi; nanchi baile ne Billy Graham. Kabiji Lesa watolele Billy Graham, nangwa, kipwilo kya Baptist byo kyaubile, kabiji bonse bamuzhokolokele. Kabiji Billy Graham kechi wafika pa kipimo kya afu kya busapwishi buji ne Mulongo Neville ne, kechi pa...ine, nangwa pachechetu ne. Pakuuba kyo kika? Abo bekyubile, ke kintu kya bumi, kabiji ne muntu yense wikizhokolokele, kuzhokoloka kwi akyo. Billy waamba kintu kimo. Monai, bafwaijilwe kwikyuba. Kabiji kyafwainwa kubiwa pa kuuba mba kifikizhe Kyambo kya Lesa. Abo kechi bajinga na Mupashi wa kupwilakenako ne, nanchi abo basendele Kyambo ne kupwilakenako; nanchi byo baubile. Kabiji Billy ke musapwishi wa Kyambo, kabiji nsemi, kabiji bazhokolokele kwi aye; nanchi akya kyankokejile bonse ba kyambazhi mu

nyingijilo yabo. Kabiji Kyabulesa kyakukumya, na lubuko lwa Bulesa, ne bulume ne mingilo kabiji ne bikwabotu, kupichila mu byakukumya bya kwa Lesa, bikai kikyē . . . Kipwilo, Musongwa waya mu lapicha uji na Manyi mu lampi Wanji, wa mubikile Aye mukusanguluka. Mwamona? Kabiji kipwilo kya munyango kyajinga na kusangululwa kwa musango wakyo. Kabiji kuno kuji Isalela nakwalulukila ku kusangululwa kwabo.

⁵²⁹ Amiwa njina fiilimu mu nzubo yami ponka pano, *Mamineti Asatu Kufika Pakachi kabufuku*. Kabiji tuji na kipikichala kya booba Bayudeya kasa beya. Na kwiya; mwikumona mu magazini wa *Talai*. Kabiji mato, ayula, kwiya kufuma ku Iran kabiji ne kokwa; abo Bayudeya kechi bayukile mba Yesu wajinga pantanda ne, batwajilwe na kusendwa kokwa kwa mu Babilona. Akyo kyo kyonka kyo bayukile. Bajiminenga na mapulao . . . mwikimwene mu *Talai* magazini nangwa *Bumi* kabiji ne bikwabo, amo mo bajiminenga na mapulao abichi. Kabiji byo bamwene aa mandeke kasa abena kwiya, abo balangulukile mba, “Akye ikyo,” mambo Lesa wibabujile mba “bakekala konkwa, kabiji ne kusendwa kubwela ku Yelusalema na byapi bya bampungu.” Abyo ibyo. Abyo byobaji. Kabiji Muyudeya waambile mba, “Akye ikyo.” Bakajijilemo, kabiji tuji na mapikichala abo aji na mawi abo, kabiji bebewizhe; kasa babena kufuma mwaya ntanda yonse. Bamo mwiabo basendele ne bakote babo bakala mu manyuma, kabiji booba bapofu ne bilema. kabiji abo bafuminenga mu mato kufuma mu bifulo byapusapusana bya pantanda, na kwiya.

⁵³⁰ kabiji batatwile kutola mabwe mu masaka, kufuma panshi; kabiji leelo bataana mansulo a meema, akyo kyakilamo, ke kyaalo kya bujimi bwabaya bingi mu kyaalo kyonse. Aka Kalunga ka Bafu kalama bya bunoshi byavula kukila bunoshi bwa byaalo byonse kubikwa pamo. Abo bayudeya babena kubwela; kyafiwa ku Bangentila, pakuuba babena kunanuka nobe maluba alozi.

⁵³¹ Baambile kwi abo—abo Bayudeya, baambile mba, “anweba mubena kubwela na kufwila mu kyaalo kyenu.”

⁵³² Baambile mba, “Tubena kubwela na kumona Mesiyasa. Uji kwepi Aye? Wafwainwa kwikala muno.”

⁵³³ Mulongo, inge mwamona kichi kya mukuyu kyasapuka mabula, Aye waambile mba, “Akye kisemi kechi kikapite ne poso byonse kyafikizhiwa.” Monai pa kusangululwa na booba babukyambazhi. Talai pa kusangululwa kwa Kipwilo. Monai pa kusangululwa kubena kwiya na ba Yudeya, babena kupembelela kwiya kwa Mesiyasa. Akyo Kipwilo, Kipwilo kyayulwamo-Mupashi, Musongwa uji na . . . bisungu biji na manyi mu malampi abo bakaya ku Kijilo kya Masongola.

⁵³⁴ Ba Yudeya bakamba mba, “Akye kyo kyokya. Awa ye Lesa wetu ye twapembelejilenga.” Apo popaji ba

aduleendi foote-foolo sauzande . . . amo ba Russellite mwafuma kulubakana kwabo. Kuji booba Bayudeya baimana momwa bakamutambulwila Aye. Baambile mba, “Awa ye Lesa wetu ye twapembelejilenga.” Abo bakamumona Aye, ne kwamba mba, “Kwepi Anweba ko mwiwitambwile? Kwepi Anweba ko mwafumishe yoyo mikovu mu maboko Enu?”

535 Aye waambile mba, “Amiwa ne itambwile mu nzubo ya balunda Nami.” Abo ibyo, “Nzubo ya balunda Nami.”

536 Kika Aye kyo akooba? Akyo Kipwilo kya ba Ngentila baketutwala mu Lukumo kabiji ne Musongwa ukasongolwa kwi Kilishitu.

537 Musangoka Yosefwa ye emwesheshemo ayemwine ku bantu banji? Aye wafumisheko Ngentila yense ku monse anji. Aye kine byo aubile. Kika kikamweka ku bamushala bamulukunwa wa mwanamukazhi? Nsung’unyi wapaajile meema kufuma mukana kanji mu kulwa nkondo; Yesu waambile mba, “bakataiwa mu kalungu kafishi, kabiji kukekala kujila ne miteto kabiji ne kwisuma ku meno,” ma awala akatampe akumanyikwa ne meseko akafika ku kipwilo kya Bagentila.

538 Kika kikamweka pano? Kimye baipaiwa po bakeya, kimye Lesa po akabanya bintu byonse kufuma ku ba Yudeya kokwa, Yesu ukabwela nobe byaubile Yosefwa. Byo baumwine Yosefwa, wapanga bonse bashilikale ne bintutu bikwabo, kabiji wamwene Benjamin ne bakwabo kasa baimana ponkapa, kabiji ke balapile pa kwipaya Yosefwa. Abo balangulukile mba bamwipaile Yosefwa, kabiji papo aimana kumeso abo. Aye waambile mba, “Amiwa ne Yosefwa. Amiwa ne mulongo wenu.”

539 Nanchi kine bazakamine bingi, “Aye ye Yosefwa. Pano twamuyuka.”

540 Inge Aye waamba mba, “Amiwa ne Yesu. Amiwa ne Mesiyasa.”

541 Bakaamba mba, “Oo, ami, pano tusakutambulwila ka!”

542 Byonse bya ubiwe ku lukumo lwa Lesa. Kechi kikekala mba Aye ye . . . Kyawama, bakonsha kumumvwa kujila mu kipango kya kwa Felo, Yosefwa kujila na mambo a abo.

543 Pembelelai poso Yesu akamone aba Bayudeya bo Apofwele meso pakuuba mba Bangentila bapewe jishuko ja kutwela, akyo kikekala awala umo, Amiwa mbena kwimubula. Aye ukasenda booba ba Yudeya, kechi musakamane ne, aba ba Bayudeya bakapuluka. Ee, mwane, bafwainwa kwikalako. Kabiji ao ye mulanguluko wami pa kikyey, Amiwa kechi ne kimwena mu musango mukwabo mu Kinembelo ne. Anweba mwafwainwa kwibilamina pamo bisatu, ne jikwabo.

544 Wafwainwa kulama awa—awa kisungu walala tulo, akya—akya kipwilo kyatalalatu, bambatu pakanwa, mwamona. Mwafwainwa kutana kipwilo . . . Awa ke, Muyudeya patanshi,

Muyudeya patanshi, ao wapofolwatu meso na kupembelela ku lubaji lumo. Mwafwainwa kutola tampulo yalondelapo, ao ke kisungu walala tulo, wajinga wa kuwayawaya, walupukiletu ne kuya ku kipwilo, kabiji watwela ne mu kipwilo, ke mulongo wawama bingi. Nanchi wafwainwa kutana Kipwilo, kya bumupashi, kya Lapicha, awa Musongwa, waimana byobya. Abo bantu basatu, kuuba wauba ne. . . kechi bamvwangakana ne, nangwa pachechetu ne. Abo bonse kechi bajitu pamo ne. Monai ba Kamonyi ba Yehoba kwamba mba, “kuji ba aduleendi foote-foolo sauzande ke Musongwa”; akyo kyatama. Aba bo Bayudeya, monai. Awa ke Musongwa, ba Yudeya, kabiji ne kisungu walala mutulo. Kabiji mwibatola bonse, ne kwamba mba, “Kyawama, bonse baji basatu mu bifulo byapusanapusana.” Bonse bajitu, misango ya bantu basatu. Kine, kechi bakonsha ne.

⁵⁴⁵ Pano kimye Yesu byo akabwela pantanda. . . Ba Yudeya, bobang’anyi? Batungu ba mu tempo. Kabiji Yesu byo akabwela, Aye ukeya *na* Musongwa. Yesu wiya bimye bisatu: Aye wayishile kimye kitanshi na *kukuwala* Kipwilo Kyanji, Aye ukeya kimye kya bubiji na *kutambula* Kipwilo Kyanji, Aye ukeya jabusatu *na* Kipwilo Kyanji. Mwamona? Kyakine. Nanchi ke kwiya kumo kukatampe kwalumbuluka, ke yenka umo mukatampe Lesa walumbuluka; ke yenka umo mukatampe Kilishitu walumbuluka; kimo kikatampe Kipwilo kyalumbuluka, bumo bukatampe bukuzhi bwalumbuluka, . . . bintu byonse; biya mu busatu, nanchi kijitu byonse Mukimo. Mwamona? Kechi ke bantu basatu ne, kechi basatu *bibye* ne; ke Muntutu umo, Kipwilo kimo, Mubiji umo, umo Kilishitu, umo Nkambo “mwi anweba bonse, kabiji ne mwi anweba bonse,” kabiji ne bikwabotu byonkabya. Byonse kimo!

⁵⁴⁶ Aye Nkambo emupeshe. Nemukwachijila kimye kyabaya bingi.

⁵⁴⁷ Aye Nkambo inge waswa, pano, inge Nakonsha kwiya jibiji pa mafuku acheche, nangwa Pamulungu bufuku nangwa kintu kimo kyayeo musango, inge kafunga kuno kechi ujipo na kintu kimo pa muchima wanji ne, Amiwa nkeseka kupana mukumbu ku aao kuno. Oo, kuji amo awama bingi kuno. Baanga bakonsha kutwemwa kwi ateleka? Oo, Amiwa ne atemwa. Lekai pitemo ne jikwabo jibiji, bukiji bukiji, kasatukyangye kupana pwijilo kwi bakafunga.

⁵⁴⁸ Telekai ku jije:

Pepi mabwe po aimen-. . .? Aa mabwe aimenako ka mu Lumwekesho, 21? Ajo jawama bingi.

Londololai binyama bina bya mu Lumwekesho 5. Ajo ke jikwabo jawama.

Bo bang’anyi bakulumpe tweti-foolo? Ajo ke jikwabo jawama, mwamona.

Muzhinge wachijisha wa mu Ntendekelo 38 walumbulula ka? Anweba vulukai, aye waille na kusenda mukowanji-wamukazhi kabiji waikela nanji nobe pite; kabiji wapingwile mutengo; kabiji pano awa mwaana byo asemekelwe, ba mupombele muzhinge wachijisha ku kuboko kwanji (walupwile pangye kabiji wabwela watwezha mukachi), aye—aye mukwabo walondejilepo wasemekelwe mutanshi. Oo, ajo jawama; kine byojiji.

Ng'anyi bya bupe bikatumiwa panyuma ya lufu lwa batumonyi, mu Lumwekesho 11? Apo ipo Mosesa ne Elaija po bakabwela jibiji na kuleta kusangululwa ku ba aduleendi foote-foolo sauzande. **Bya bupe byo bika?** Monai byo baji, ajo jawama.

Kwepi kukekala bazihiywa pakupita myaka-wanusa-uzande' . . . (ajo jawama bingi, mulongo. Jikekala . . .) . . . **mu bufumu? Musango ka wa mubiji ye bakekala nanji?**

Tukachibila byepi mambo bamalaika?

Kika suki na mambo a bamalaika mu Kolinda Mutanshi? Mu Buuku wa Kolinda Mutanshi. Akwabo awama, kine awama bingi.

⁵⁴⁹ Aye Nkambo emupeshe. Naketekela mba Nkambo uketuswisha atweba kwiya pamo na kwisamba pa bibye bintu, ke bya ku lukumo Lwanji. Twakonsha kubula kuyila mumo pa milanguluko yabyo; bino Nakonsha kwamba kintu kimo, inge anweba bonse mubena kwikala na lusekelo lwabaya lwa kwibyumvwa byo Mbena kwambapo pa bibye, tuji na kimye kyawama bingi. Amena. Amena.

⁵⁵⁰ Kijitu bulongo, aye Nkambo ekale wawama bingi kwi anweba pano. Kechi mulubeko pwijilo ne. Mulongo Neville kwamba pa wailishi, pano, akyo ke pa WLRP, Pakibelushi lukeelo pa naini koloko; ba Neville bana, kabiji Naketekela mba bakemubila byawama, nshikulai ne kutelekako ku bibye. Kabiji inge Nakonsha, inge Nabwela mu kimye kyafwainwa, nangwa kumona mba Nabwela, Amiwa nketa bakazhi; inge Nkambo waswisha kuya na kumona mutemwe wakala Mulongo Bosworth. Ami. . . Anweba bonse. . . kabiji Amiwa kabwela bufuku bwa Pamulungu.

⁵⁵¹ Aye Nkambo ekale wawama kwi anweba pano. Kabiji mulongo, kafunga, iyai kuno pa mineti umo; kabiji lekai atambule mpwijilo. Kabiji:

Kechi mulubeko milombelo ya kisemi ne,
Yesu ubena kukeba kusambakana nobe kokwa;
Aye ukalama muchima obe yense,
Oo, kechi mulubeko milombelo ya kisemi ne.

⁵⁵² Anweba mwatemwa kyokyo? Baanga mulomba mu nzubo yenu anweba bene? Twayai tumone, bonse ba. . . bonse. . .

Akyo kyawama, ikalai pepi ne Lesa. Ikalai bawama, baana babacheche, Lesa ukemupesha.

Kijitu bulongo, Mulongo Neville. 🐦

57-1002 Mepuzho Ne Mikumbu Bahebelu Kibese II
Branham Tabernacle
Jeffersonville, Indiana U.S.A.

KAONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org